

सानसेयारि 'बड'सा' खरीलाइयाव
समाज्यादि जिउजो लोब्बा थानाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि सायाव लिन्नाय लिन्दिबां दैथाय हर्/
सानसेयारि 'बड'सा' खरीलाइया खेबखानानि
फोखावगोव।

बड'सायाव लिन्नायलि हुबा खालाम,
'बड'सा' खरी नोथां, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Friday ★ 29 October, 2021 Kokrajhar, BTC, Assam ★ Vol.- 31, Issue No. 212 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बिजनीयाव जुवाजो
लोब्बा थानाय सानै
सुबुंखौ खादों



बिजनी, 28 अक्टबर: चिरं
पुलिसआ जुवा खेला
सोलिनारियनि बागै मोनसे
इसिडरि सुलुनिफ्राय मिथिनो
मोनायनि उनाव बिजनी पुलिस
थानानि सिडाव थानाय
दंशियापारा गामियाव थानाय
मंगलबारखालि मोनसे
सिगोमनाय हाबाफारि
(□ 5 बिलाइआव)

बिसायख 'थि आयगआ उफ्रा बिसायख 'थिखौ उदां, गोजोन आरो रैखाथियै खुंफुंनो थाखाय आबुडै साखा-फारा

मोन 5 बियाबआव सा 31 बिजाथिफोरनि खाफालखौ सा 7,96,456 भटारफोरा सायख 'गोन

दिसपुर, 28 अक्टबर:
आसामनि मोन 5 बिधान सभा
बियाबआव खुंजानो गोनो उफ्रा
बिसायख 'थिखौ गोजोन, उदां
आरो रैखाथियै खुंफुंनयनि
थाखाय बिसायख 'थि सामलाय
आफादआ आबुडै साखा-फारा
जाबाय। बे बिसायख 'थिखौ
खुंफुंनयनि थाखाय गोनोथि
जानाय गासै राहाफोरनि
थागथियारि खालामनाय
हाबाफारिया गासैबो
बियाबफोरव थियारि जाबाय।
आइन आरो आबुथिखौ गोखौडै



नोजोर लाखिनो आरो रां
बाहायनाय बायदि आयदाफोरनि
सायाव नोजोर लाखिनयनि
थाखाय हादतनि बिसायख 'थि
सामलाय आफादआ
इक्सपेन्डिसार अबजाभरं,
पुलिस आरो बिबानगिरिफोरखौ
थिसनखानाय जादों। बेजों
लोगोसेनो बिसायख 'थिनि भट
सोनाय समाव मोनफोमबो भट
मिरुफोराव कभिड-19 नि
प्रटकलफोरखौ गोखौडै
मानिनानै सोलिनो आरो
(□ 5 बिलाइआव)

गसाइगाव बिधानसभा बियाबनि
उफ्रा बिसायख 'थिनि थाखाय
महकुमा खुंथाया थियारि जाबाय



गसाइगाव, 28 अक्टबर: राइज्योनि बिधान सभानि उफ्रा
बिसायख 'थिनि थाखाय गेजेराव सानसेल' आद्रा थानाय थासारियाव
गसाइगाव महकुमा खुंथाया आथिखालाव 28 नं. गसाइगाव बिधान
सभा बियाबआव बिसायख 'थि खुंफुंनयनि थाखाय नांगो बादि
खामानि-दामानिफोरखौ गुबैयै आबुं खालामबाय। आथिखालनि
कभिड थासारिनि फारसे नोजोर लानानै उफ्रा बिसायख 'थिनि भट
होनायनि थाखाय गासैबो राहाखौ आजवाना लाबाय। मोनफोमबो
भट होग्रा मिरुआव थिसनजानाय प्रिसाइडिं आरो पलिं बिबानगिरिफोरनि
फोरंथाय होनाया थुंगेबाय। (□ 5 बिलाइआव)

राइज्योआव 2 कौटि सुबुंफोरा भेक्सिननि गिबि ड'ज लाखांबाय

राइज्योआव सा 244 करना पजिटिभ, सा 6 सुबुं थैदों

गुवाहाटी, 28 अक्टबर:
आसामआव कभिड भेक्सिन
थुनाय हाबाफारियाव
जाफुंसारनायनि बिथिहाव
राइज्योनि सावस्त्रि बिफाना दिने
गुबुन मोनसे माइलनि
खुंथियाखौ बारनो हाबाय। लक
डाउननिफ्राय कभिडनि
थासारिया खमायनानै
आथिखालाव सरासनसा
थासारिसिम पैफिनो लानाय
समावनो दिने मोननै ड'ज
भेक्सिननि गिबि ड'ज लानाय
सुबुंनि अन्जिमाया 2 कौटि
बारलांबाय। भारत सरकारनि



कउइन पर्टेलआ फोरमायनाय
बादिब्ला बुधवारखालि बेलासि
राइज्योयाव गिबि ड'ज कभिड
भेक्सिन लानाय सुबुंनि
अन्जिमाया सा 2,00,03,623

जाहैबाय।

गुबुन फार्सेंथिं
बुधवारखालि बेलासिनि 3:30
रिंगासिम राइज्योनि सा
76,06,337 सुबुंफोरा नैथि
ड'ज कभिड भेक्सिनखौ
लाखांबाय। बेखौ लानानै
(□ 5 बिलाइआव)

चिरांनि जिल्ला बेंगिरिआ एससिआरएम हान्जानि सोद्रोमाफोरजों मेल जथुमदों



काजलगाव, 28 अक्टबर: चिरां जिल्लानि जिल्ला बेंगिरि नरेन्द्र
कुमार साहआ दिने बृहस्पतिवारखालि काजलगावआव थानाय
जिल्ला बेंगिरि मावखुलिनि सावराय जथुमसालियाव स्टेट कमन
रिथिउ मिसन सुंदयै एससिआरएम हान्जानि सोद्रोमाफोरजों देहा
बिफाननि गोबांथार बिथांखि आरो हाबाफारिफोर मावफुंनयनि
सायाव दिथा होनाय आरो नोजोर लाखिनयनि सायाव मोनसे मेल
जथुमनानै सावरायलायदों। (□ 5 बिलाइआव)

बाक्सानि धमधमा जौगाखां खोन्दोआव हाथायनि टेन्डारनि मुडाव बेले-बेजे जानायनि अजद सिखांदों

गोजौ बेसेननि टेन्डार होनायखौ नेवसिगारनानै
खमसिन टेन्डार गथायनायनोसो टेन्डारखौ होदों

बाक्सा, 28 अक्टबर: बाक्सा
जिल्लानि बि टि सिनि
बागानपारा बियाबनि सिडाव
थानाय धमधमा जौगाखां
खोन्दोनि सिडाव गोलैनाय गं
7 सप्ताहयारि हाथायनि टेन्डार
होनायनि मुडाव बेले-बेजे
जानायनि अजद दैखांदों। बेखौ
लानानै टेन्डारनिफ्राय जानागारव
(□ 5 बिलाइआव)



अनलाइन ड्राइभिं लाइसेन्स आरो डुप्लिकेट ड्राइभिं लाइसेन्स मोन्नाय सिबिथायखौ बेखेवबाय बिरोंदामिनआव जेंना सुफुंनया सरासनसा राइजो- राजाफोरखौ गोख्रों खालामगोन: ड॰ हिमन्त विश्व शर्मा

दिसपुर, 28 अक्टबर:
आसामनि गिबि मन्थि ड॰
हिमन्त विश्व शर्माआ दिने
खानापारायाव थानाय आसाम
खुंथायारि मावफारिया
फरायसालिमाया खुंफुंनयनि
मोनसे हाबाफारियाव
अनलाइन गेजेरजों ड्राइभिं
लाइसेन्स आरो डुप्लिकेट ड्राइभिं
लाइसेन्स मोन्नाय सिबिथायखौ
हाबाफारि बायदियै बेखेवनानै
होयो।



नोगोरारिखौ मिरु
खालामनाय, गोख्रै रहा, गोगो
आरो गोख्रै बाहायजानाय
बे सिबिथायनि गेजेरजों सरासनसा
राइजो-राजाफोर आथिखालाव

जिल्ला हान्था-मेला
बिबानगिरिनि मावखुलिस्मि
थाडालासेनो गावनि
न'निफ्रायनो आधारजों
फोनोजाबनाय फोरमानलाइनि

गेजेरजों बे सिबिथायखौ मोनो
हागोन। मख'नो गोनांदि,
जिल्लाय बिसायख 'थि
जरहात, शिबसागड, बरपेता,
नेमखान्थि बिथोनफोरा

जोबनायनि उनाव बे
सिबिथायखौ सरासनसा
राइजो-राजाफोर मोनो हागोन।
बे हाबाफारियाव
गिबि मन्थि ड॰ शर्माआ बुंदेंदि,
बे सिबिथाया जागायजेनायनि
गेजेरजों दुलागाइ हादतनि गेजेराव
बेबायदि सिबिथाय मोन्नाय
आसामआ 6 थि राइज्यो महै
मिथिजादों। बिरोंदामिन
बाहायनायनि गेजेरजों सरासनसा
राइजो-राजाफोरनि खाबुनि
थाखाय बे सिबिथायनि
जागायजेनानाय सरासनसा
(□ 5 बिलाइआव)

बिगाया रुंसारि सानक्य ब्रह्मनि 9 थि बोसोरारि थैनाय सानखौ दोरोडारि गेलेमु बादायलायनायजों खुंफुंनो साखा-फारा

कक्राझार, 28 अक्टबर: बिटिसिनि गेलेमु
आरो लाइमोन अन्साय बिफानजों मोनसे
दोरोडारि गेलेमु गौथुम महैर गनायथिजानाय
बड'लेन्ड इन्डिजेनियस गेम्स एससियेसन
सुंदयै बिगाया गौथुमनिनो गायसनगिबि रुंसारि
सानक्य ब्रह्मनि 9 थि बोसोरारि थैनाय
सानखौ 31 अक्टबरखालि रामफलबिलनि लड
एरिगेसनआव खुंफुंनो थाखाय थाम-थिम
खालामदों। बिगानि गाहाइ नेहाथारि गुनशंकर
औवारिआ खुंफुंनो लानाय बे हाबाफारिनि बागै
फोरमायनाय बादिब्ला बे बोसोरारि बिगाया
सैनास्त्रि लड पार्क ससाइटिजों लोगो नानानै
2007 माइथायाव (□ 5 बिलाइआव)

रुंसारि सानक्य ब्रह्मनि थैनाय सान फालिनयनि
लोब्बाथैनो सानक्य ब्रह्म गोसोखां आमोल-
दिमोल (दोरोडारि दैनि गेलेमु)
बादायलायनाय हाबाफारि खुंफुंनो थि
खालामनाय जादों। बिथाडा फोरमायनाय
बादिब्ला बे आमोल-दिमोल बादायलायनायनि
थाखाय दासिम मोन 20 हान्जाफोरा मुं
थिसनखांबाय। बिथां औवारिआ फोरमायदोंदि,
बर'फोरनि गासै दोरोडारि गोजाम गेलेमुफोरखौ
फोथोफिननाय आरो रैखाथि खालामनायजों
लोगोसे जौगाखांहोनायनि गुबै थांखिजों थानाय
2007 माइथायाव (□ 5 बिलाइआव)

मोन 308 भट होग्रा मिरुआव सा 2,10,379 भटारफोर दं

बाक्सा, 28 अक्टबर: फैगौ
30 अक्टबरव राइज्योनि दर 5
बिधान सभा बियाबनि 58 नं.
तामुलपुर बिधान सभा
बियाबआवबो खुंफुंजगोन उफ्रा
बिसायख 'थिया। उफ्रा
बिसायख 'थिखौ गोगो आरो
मोजांथारै खुंफुंनयनि थाखाय
आथिखालाव बाक्सा जिल्ला
खुंथाया लाहार-फाहार जाबाय।
बेनि सोमोन्दोआव बाक्सा
जिल्लानि बिसायख 'थि
बिबानगिरि आरो जिल्ला बेंगिरि
आयुष गार्गआ फोरमायनाय
बायदियै तामुलपुर बियाबआव



खुंफुंजानो गोनो उफ्रा
बिसायख 'थिआ गोजोनै
खुंफुंनयनि थाखाय
आथिखालाव जिल्ला खुंथाया
थियारि जाबाय। मुसलपुर

गोजौसिन गेजेरारि
फरायसालियाव गायसन्नाय स्ट्र
रुमनि खामानिया आबुं
जानायजों लोगोसे हान्था-
(□ 5 बिलाइआव)

21 थि अल इन्डिया जोहोलाव बालिराम बर' गोसोखां जोलुर बादायलायनाया जागायबाय

उदालगुरि, 28 अक्टबर:
उदालगुरि जिल्लानि सिडाव
थानाय हरिसिड दख'ग दुलायय
बर' फरायसा आफाद आरो
हरिसिडा गेलेमु सामलाय
आफादनि जुथायै बान्जायनायाव
अल इन्डिया जोहोलाव
बालिराम बर' फुटबल
सेम्पियनसिप 2021
बादायलायनाया रवि कसारि
गेलेग्रा फोथारव दिनेनिफ्राय
जागायबाय। बे जोलुर
बादायलायनायखौ बेखेवना



होयो दुलायय बर' फरायसा
आफादनि बोसोनगिरि खुंखा

सर्गियारिआ। बिथां सर्गियारि
खौरांगिरिनि सिगाडाव

बुथियोदि, जोहोलाव बालिराम
(□ 5 बिलाइआव)

बिजनीयाव आयेन
बेरेखायै लाबोनाय मा 4
मोसौ हमनो मोन्दों

बिजनी, 28 अक्टबर: जाय
समाव राइज्योयाव आयेन
बेरेखायै मोसौ फान्नाय-
बायनायखौ बन्द खालामनो
थाखाय राइज्यो सरकारआ
गोखौडै बिथोन होनाय जादों
बेबायदि समनि गेजेरावनो
माखासे खाबु फलान सुबुंफोरा
बे एखे खामानिखौ मावबदों।
चिरांनि गोजाम बिजनीयाव
आयेन बेरेखायै लाबोनाय मात्रे
मोसौखौ दिने हमनो मोन्दों।
(□ 5 बिलाइआव)

सुजुगिरिनि खोलोम

बिफां लाइफांफोरखौ फोजेबसांनाया सुबुं समाजनि मोनसे गिदित जेंना

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवसांनाय आरो दंफां दानसांनाय। गामिनि सुबुंफोरनि बाश्राल' नडा टाउन सहरनि सुबुंफाबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजआव बेनि गोथौयै रोदा सुनाय हुदाखौ नागारनो हायाखै।

मानासनि सुबुंफोरनि बाश्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनारबो हाग्रा बंग्रा, दंफां लाइफां नडबा जैरे थाउरिनो हाया, मानसि माहारियाबो जिउ खानो हाया। मिथिंगानि सोर्जनायनि मादाव दंफां लाइफां, हाजो-हाला, दैमा दैसा, दैमु बाइदिसिना नडबा जिउ जुनातफ्र दसेनि थाखायब्लानो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआवो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जैरे बाइदि सोनारो बेखौ साननो रोब्ला हाग्रा बंग्रानि सायाव बे रोखेमनि अनगागर अत्यासारा जानाय नडमोन। हाग्रामाआव दंफां लाइफांनि अनगागैबो गोबां रोखेमनि जुनार, दाउसिन दाउला, एमफौ एनला, मैंग मैला, थायो। गासिबखौबो मानसि माहारिनि गोनां जिउ खानायाव नांगो। सुबुं समाजा नांगौखौल' मिथिनो रोबाय नाथाय, बेफोर गोनां मुवाफोरखौ रेखा खालामनो दासिमहालागौ सोलोडखिसै मानो? मोनसे सोनाय फेयो, दंफां लाइफांखौ दानसांना सोलोनो हागौबा, बेफोरखौ गायनो सोलोनो मानो रोदिया? गोदो गोदाय आबे आबोमोननि बिबै बिबौफ्रा गायना गालांनाय दंफां लाइफांफोरखौ हागौमानि जां दानसां जोबबाय जाय जैरे हागौ एरे। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटर, इन्टरनेट मुगानि सुबुंफ्रा सानखानो रोडखिसै जां थानो जैरे नबां नांगौ, जुनारफोर थानोबो हाग्रामा नांगौ। बिफां लाइफांफोरखौ फोजेबसांनाया सुबुं समाजनि मोनसे गिदित जेंना। जांनि जायगाआव जा जालांबाय जालांबाय, इयुन जोलेफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ माब्रै गायनांगो, फोथानांगो, फेदेरनांगो, राहोनांगो, आरो माब्रै रेखाथि होनांगो, गोथौयै फोरनांगोन, मिन्थिहोनांगोन, दंफां लाइफां, हाग्रामा थायाब्ला जांबो थाना थानो हानाय नडा बे बुहुमाव।

दिनैनि फान्जामुधि

राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (द फ) मकर : ख ज कुम्भ : ग श (स) मीन : द च (ख ज झ)

- मेष:** बायदिसिना सानखानानै गोसोआव गिनय मोनखानो हागौ। गोसोखौ लोरबां खालामनो नाडा।
- बृष:** जेखियानो जाया साहस खालामनानै नाजानांगोन। थांखिआ जाफुनो हागौ।
- मिथुन:** गोखौ जायाब्ला खामानिया गोसोसोनानै थानो हागौ। सांग्रां जानानै मोनफ्रोम हाबाखौ मावनो नाजा।
- कर्कट:** मावनाय-दानायजौं नख 'रखौ गोहोम खोख्लैनो हागौ। मोजां दिन।
- सिंह:** मोनफ्रोमबो खामानियाव नख 'रनि मानसिफोरगो हेंथा होनो हागौ। लोरबां दाजा।
- कन्या:** गोसोनि हास्थायनाया मोकथां महर मोनगोन। मोनफ्रोमबो खामानिया जाफुंसारगोन। मोजां दिन।
- तुला:** मोनफ्रोमबो खामानियाव उश्रिसारनो हागोन। गोसोखौ गोजोनाय मोनगोन। मोजां दिन।
- बृश्चिक:** सुथुरफोरा बांलांनो हागौ। मोनफ्रोमथि मावनांगो खामानिफोरव सांग्रां जानांगोन।
- धनु:** नख 'रव गोजोनाय गैये सोमजिनो हागौ। बिमानि सुखुआ गोमालांगोन। गोसो हमथा।
- मकर:** बिसिनि मोजां खौरां खोनानो मोनगोन। गोजोनाय मोनगोन। मोजां दिन।
- कुम्भ:** नाजानायनि गोथार फिधायखौ मोन्नो हागोन। फारफ्रोमथिबो मोजां।
- मीन:** सानाय-हनाय गासैबो फैमाल थानो हागौ। सानै-हयै मावनांगोन। लोरबां दाजा।

राइज्यो सभायाव बांसिनै जथुम्मा खुंजादौ: रिपर्ट

गोदान दिल्ली, 28 अक्टबर: राइज्यो सभानि हाबाफारिनि सोमोन्दै सुबुंफोरनो मिडियानि गेजेरजौं खौरां होनायजौं लोब्बा थानाय राइज्योआरि टेलि कमिउनिक्सनि हाबाफारिया थानाय 4 बोसोरफोरव गोबां गुन बांसिनदौं। राइज्यो सभा सेक्रेटारियेटनि बादिब्ला, राइज्यो सभानि बुंथिगिरि एम भेंकैया नायडुनि समाव बेयाव जथुम खुंजादौ सिग्रांनि 2012-2017 सिमनिखुइ सप्ताहफ्रोमबो 4.5 गुन बांसिन जादौं। सेक्रेटारियेटनि फिन होनाय बादिब्ला, 2017 नि आगस्टआव नायडुआ बिबान आजावनायनि उनाव सदन एबा सेक्रेटारियेटनि हाबाफारिनि सोमोन्दै खेब 491 फोसावदौं फोसावनाय जादौं। बे 4 बोसोरफोरव सेक्रेटारियेटनि



मिडिया आफादआ 263 फोसावदिं आरो मासिगिरि मावख 'निफ्राय 228 फोसावदिं फोसावनाय जादौं। फार्सेंथिं 2012-2017 सिमनि बोसोरनि गेजेराव 135 मिडियाआ फोसावदिंनानाय जादौंमोन। मख 'जाथावदि, सोलिफु बोसोरनि गोजां बोथोरनि

टी-20 वर्ल्ड काप: केएल राहुल आरो रहित शर्मा मोननि जावजाया निउजिलेण्डनि हेंथायै गोखौं गेलेनानै दिन्थिफुनो नाजागोन

गोदान दिल्ली, 28 अक्टबर: टी-20 वर्ल्ड काप-2021 नि मेचआव टीम इन्डियाखौ माखासे जेंनाजौं भुगिनांनय नुनो मोन्दौं। पाकिस्ताननि हेंथायै सासेबो उइकेट लानो हायैजौं जेंन्नायाव भिराट कहलीनि देदेन्नाय टीमआ गात्रि रेकर्ड लाखिदौं। भारतयारि हान्जाया फे गो 31 अक्टबरआव निउजिलेण्डनि हेंथायै गावसोरनि साबसिन रेंगथिखौ दिन्थिफुनो नाजागोन। दुबाइ इन्टरनेसनल क्रिकेट स्टेडियमआव निउजिलेण्डनि हेंथायै फिन जेनबावोब्ला भारतयारि हान्जानि टी-20 वर्ल्ड कापनि बिमुं देरहानाया सिमाडव थालांगोन। हान्जानिफ्राय मोजाडै गेलेनानै



दिन्थिफुनाया केएल राहुल, रहित शर्मा आरो केप्टेन भिराट कहलीनि सायाव बांसिनै सोनारगोन। राहुल आरो हिटमेन रहित शर्मानि जावजायै गेलेनानै दिन्थिफुनाया किबिनि हेंथायै गेलेनाय मेचआव मोजाडैनो जादौंमोन। रेकर्ड(रान)नि बादिब्ला, निउजिलेण्डनि हेंथायै बिसोर सानैनि जावजाया

अमित शाहनि काश्मीर दावबायनाया जवानफोरनि गोदान मिजिं

गोदान दिल्ली, 28 अक्टबर: नख 'र मन्थि अमित शाहनि जम्मु काश्मीर दावबायनायनि उनाव जवानफोरनि छुट्टीजौं लोब्बा गोनां माखासे गोसोसोना थानाय थांखिफोरनि सायाव थाबैनो थांकि लानायनि मिजिंआ सोमजियो। शाहआ काश्मीर दावबायनाय सायाव जवानफोरनि केम्पआव थानानै बिसोरनि जेंनाफोरनि सायाव बाश्रा बुंदौंमोन। मख 'नो गोनांदि, जवानफोरनो 100 सान छुट्टी होनाय न'नि खाथियाव पस्टिं हरनाय, मोनसे रोखा बैसोनि उनाव जर 'खा जायगाफोरव दैथाय हरनायजौं लोब्बा गोनां माखासे थांखिफोर गोसोसोना नै दंमोन। बे गासै बिथांखिफोरनि सायाव आरोबाव खेबसेयै थोंजौं लामाजौं सावरायनाय जायो। सुलुनि



बादिब्ला गोब्राव डिउटियाव जिउ बाउसोमग्रा जवानफोरनि थाखाय बोसोराव 100 सान छुट्टीनि बेबस्थाखौ लानानै माखासे खेब सावरायखांबाय आरो बेनि सोमोन्दै माखासे थांखिफोरबो लाखांबाय। नाथाय बेनि सायाव जवानफोरा गोजोनाखै।

मख 'नो गोनांदि, छुट्टीजौं लोब्बा गोनां बे थांखिखौ जवानफोरनि सायाव बारायनाय नारसिन्नाय आरो बिसोरनि गोसोखौ गाहामै लाखिनायनि बिथिडव गोबां गाहाम जागोन होन्ना नै गनायना लादौंमोन।

नाथाय जवानफोरनि खम अन्जिमा आरो उफ्रा बेटेलियनफोरनि आंखालनि जाहोनाव बे थांखिखौ आवगाय होनो हायाखै। मोनसे गुबुन थांखियाव आइटिबिपि, बिएसएफ बायदि सप्तायाव गोब्राव डिउटियाव थाग्रा जवानफोरनि 40 बोसोर बैसोसिम खामानि मावनायनि उनाव जर 'खा जायगायाव पस्टिं खालामनायनि सायाव बोलो होनाय जादौं। बे बादिनो न'नि खाथिफोरनि सायाव नख 'र बिफाना गोथोडै जिंगासिदौं।

जम्मु-काश्मीरनि डडायाव गंसे मिनी बासआ हाख 'रआव गलानाय जाथायजौं सा 8 सुबुंफोरनि जिउ गोमादौं



श्रीनगर, 28 अक्टबर: जम्मु आरो काश्मीरनि डडायाव दिनें फुडव मोनसे गिदिरि जाब्रथाय जायो। जम्मुनि टथरी-डडानि राजा लामायाव थानाय सुइ ग्वारीआव बृहस्पतिवारखालि फुडव जानाय मोनसे लामानि जाथायफोरव खमैब्लाबो सा 8 दावबायारिफोर थैयो आरो गासै 1 दर्जननिखुइबो बांसिन सुबुंफोर जोखोम जायो। खौरनि बादिब्ला, गंसे मिनी बासआ डडानि खाथियाव थानाय हाख 'रआव गलानायजौं बे जाथाया जायो। मिरु मन्थि ७ जितेन्द्र सिंआ बे बाश्रानि खौरां होयो। गंसे गावयारि बासआ उथरिनिफ्राय डडा फासै थांबाय थादौंमोन, बै समाव गारि सालायग्राया सुइ ग्वारीआव गावनि कन्ट्रलखौ खोमायो आरो मिनी बासआ मोनसे गोथी हाख 'रआव गलाडो। बेयाव सुबुंफोरखौ रेखा खालामनाय हाबाफारिआ सोलिगासिनो दड। बेयाफासै मोनसे गुबुन जाथायाव हारियाणानि बहादुरगड जिल्लानि टिकरी बर्डरनि खाथियाव गंसे ट्रकआ सा 3 आबादारिफोरखौ होखेमो।

फ्रान्स अपेन: पिभि सिन्धु आरो लक्ष्यआ नैथि राउन्डआव, साइना नेहवालआ आजिरा लाबाय



दुबाइ, 28 अक्टबर: पिभि सिन्धु आरो लक्ष्य सेनआ फ्रान्स अपेन सुपार 750 बेडमिन्टन टुर्नामेन्टनि नैथि राउन्डआव जायगा आवग्रिनो हाबाय। भारतयारि शाटलार साइना नेहवाल आरो कि दाम्बि श्रीकान्तआ जेन्नायजौं मोगा-मोगि जानानानै टुर्नामेन्टनिफ्राय बाइजोआव ओंखारनांबाय। डबल अलिम्पिक मेडलिस्ट सिन्धुआ अमेन्स सिंगेल्सनि बादायलायनायाव डेनमार्कनि जुलि डबल जेकबसेनखौ 21-15, 21-18 नि फारागथिआव फेजेन्डौं। उबेर कापनि फाइनालाव जान्जिआव जोखोम जानाय आरो लन्डन अलिम्पिकनि ब्रन्ज मेडलिस्ट साइना नेहवालआ जापाननि

सम गेलेनाय मेचआव 22-20, 21-19 नि फारागथिजौं फेजेन्नो हायो। नैथि राउन्डआव बिथानि बादायलायनाया जापाननि केन्टा निशिमतानि हेंथायै जागोन। बिथानिनो उन्दैसिन फं बाय समीरआ गिबि राउन्डआव मोजाडै गेलेना दिन्थिफुनानै देरहानो हादौं। बिथानि उननि बादायनाया इन्डनेसियानि शेरर हिरेन रुस्तबितानि हेंथायै जागोन। मेन्स सिंगेल्सनि थाखोआव किदाम्बि श्रीकान्त, पारुपल्लि केशय आरो एडसएस प्रनयआ जेन्नायजौं मोगा-मोगि जानांबाय। रिय अलिम्पिकनि क्वार्टर फाइनलिस्ट श्रीकान्तआ नैथि राउन्डआव सेथि रेंकिनि गेलेगिरि केन्ट ममतजौं 18-21, 22-20, 21-19 नि फारागथिजौं जेन्नो गोनां जायो। केशयापआ फ्रान्सनि ब्राइस लिबरदेजौं 17-21, 21-17, 11-21 नि फारागथिआव आरो प्रनयआ चीननि ब्रैथि रेंकिनि गेलेगिरि चाव टिडन चैननि हेंथायै 11-21, 14-21 नि फारागथिआव गात्रि यै जेन्नाडो।

जार्मान काप: बेयार्न मिउनिकआ ग्लेडबेकजौं 5-0 गलआव जेन्दौं

बेयार्न मिउनिक, 28 अक्टबर: जार्मान कापनि मोनसे मेचआव बरुसिया मनचे'ग्लेडबेकजौं बेयार्न मिउनिकआ 5-0 गलआव जेन्दौं। बेयार्न मिउनिकनि बेयो मोनसे गात्रि स्करजौं जेन्नाय। 43 बोसोर सिगाडाव 1978 माइथायनि बुन्डेसलीगानि बादायलायनाय मोनसे मेचआव बेयार्न मिउनिकआ फरसुना डुसेल्डर्फजौं 7-1 गलजौं जेन्नायआ दासिमबो बेयार्न मिउनिकनि गात्रिसिन जेन्नायनि रेकर्ड जानानै दड। 2012 माइथायनि उनाव बेयार्न मिउनिकआ बेरेखा हान्जाजौं गिबि खेब 5 गल सोजादौं, जेराव जार्मान कापनि बादायलायनायाव बेयार्न मिउनिकआ बरुसिया डर्टमुन्डजौं 5-2 गलआव जेन्नादौंमोन। ग्लेडबेकनि हेंथायै गेलेनाय बे मेचआव बेयार्न मिउनिकनि गेलेगिरिफोर गल



सोनारनि खाबुखौ लानो हायाखैमोन। मेचनि गिबि हाफआव फारियै 2 मिनिटआव कुयादि कनि, 15 आरो 21 मिनिटआव रामि बेन्सिबाइनीआ गल सोनानै 3-0 गलआव आवगायनो हादौंमोन। नैथि हाफआव ब्रिल इमबल'आ 51 आरो 57 मिनिटआव गरने गल सोनानै 5-0 गलाव देरहानो हायो। मख 'नो गोनांदि, बे मेचआव बेयार्न मिउनिकनि कच जुलियान नागिलसमेनआ करना सन्देरनायनि फोथारनिफ्राय जानगारआव थानांदांमोन। बेयार्न मिउनिकनि हान्जायाव गोखौ गेलेगिरिफोर दडमोनब्लाबो 5-0 गलाव जेन्नाया फेन्सफोरखौ दुखुआव खोख्लैदौं। गुबुन मेचफोरव फारियै बेयार्न लेभारकुसेनआ नैथि डिभिजन हान्जा कालसुहार एससिनि आखाइयाव 2-1 गलजौं जेन्नो गोनां जादौं। इउनियन बालिनआ 3-1 गलआव वल्डहप मानहीमखौ फेजेन्दौं, बेगफासै आगसबागंआ बसामखौ फेनालिट शुटआउटआव 5-4 गलजौं फेजेनो।

गाहाय मन्थ्रि मदिआ उदांसि भारतनि बयनिखुडबो जाफुंसारसिन्नाय गाहाय मन्थ्रि: अमित शाह

गोदान दिल्ली, 28 अक्टूबर : गाहाय मन्थ्रि मदिनि हादतनि गाहाय मन्थ्रि बिबानखौ आजावना हाबाफारि मावनाया 20 बोसोर फुरा जालानायनि खाबुखौ लानानै खुंनाय मोनसे हाबाफारियाव मिरुनि नख'र मन्थ्रि अमित शाह बिथांखौ उदांसि भारतनि बयनिखुडबो जाफुंसारसिन्नाय गाहाय मन्थ्रि होन्ना बुडे। शाहआ मदिनि हान्जायारि सोलोफोरखौ बाख्नायनायजौ लोगोसे हादतनि रांखान्थ्रि जौगानाय माहारियारि रेखाथि आरो गुबुन हादतयारि नेमखान्थ्रिफोरखौ लानानै देखांनाय गिदरि थांखिफोरखौबो जारिमिनारि होन्नाबै बुडे। मोनसे थि सुसानाय थासारिखौ सुसानांगौ, बेनि राहाफोरखौ नडा। गाहाय मन्थ्रि मदिना थासारिखौ सोलायदौं। डिजिभारि डेमक्रेसी सरकारनि गाहाय महैरै गाहाय मन्थ्रि मदिनि



20 बोसोर बिबानाय थानानै हाबाफारि मावनायनि सायाव रामभाउ महलगी प्रबधिनीनि बानजानायव खुंनाय सानथामनि माहारियारि कनफारेन्सखौ बेखेवना होयो। बे खाबुआव महारास्ट्रिनि बाराग' गिबि मन्थ्रि देवेन्द्र फाड़नबीस आरो गुबुन मान गोनां सुबुंफोराबो बाहागो लायो। मिरुनि नख'र मन्थ्रि शाहआ गावनि बिबुंथियाव बुडेदि गाहाय मन्थ्रि मदिखौ भारतनि सुबुंफोरा साबसिने मिथिगौ। बिसोरो बिथांनि सान्नाय हनायफोर खामानि

2014 सिमाव हादतनि नोगोरिफोरनि गोसोआव मोनसे गिदरि सौथि सिखांदोंमोनदि बै जुथाय हान्जायारि सुबुंतन्त्रनि राहाय जाफुंसारसिन्नाय जाफुंआ। फारसेंथि बे बोसोरसिमाव रामनि राइज्यो एबा जौगासारनाय राइज्योनि मिर्जिथिनायाबो सिलिंखार जालांबायमोन। सुबुंफोरा गोसोआव सन्देह लाबायमोनदि जौनि सुबुं तन्त्र संसदिनि राहाफोरा फेले जाबोबलांबाय नामा, बेनि फिनजाथायखौ मोन्नाय जायाखैमोन आरो इयुमावमा आरो मा बादियै जागोन। नाथाय भारतीयफोरा गोबां धैर्य गोनां, मानोना गोबां सहायनानै फेनायनि उनाव दरसे हादत महैरै जौ बेसिम सहैबाय। गोबां धैर्य लानानै सुबुंफोर थोखि लायो आरो गाहाय मन्थ्रि मदिखौ 20 बोसोरनि उनाव गोबां भटजौं देखासादनानै हादतनि बिबानखौ गथायो।

गोदान दिल्ली, 28 अक्टूबर: तृणमुल कंग्रेसनि आफादगिरि ममता बेनार्जीआ 3 साननि हाबाफारिजौं दावबायनो थाखाय बृहस्पतिवारखालि गवाआव सौहैदौं। पार्टिनि बुंथिगिरिआ बुंदौं, सोनाब बंगनि गिबि मन्थ्रिआ 28 अक्टूबरनि मोनाबिलि 5.30 रिंगायाव गवाआव सौहैदौं। बियो बुंदौंदि, गवाआव बेनार्जीनि बेयो गिबि दावबायनाय। तृणमुल कंग्रेसआ फेब्रुवारी 2022 आव जानो गोनां बिधान सभा बिसायख 'थियाव बादायनो थांखि लादौं। गावनि दावबायनाय समाव बेनार्जीआ मेलेमजिबि, सानसुमै आरो गुबुन सुबुंफोरजौं लोगो हमदौं। बेनार्जीआ 30 अक्टूबरनि फुडव गवानिफ्राय फैगोन। पार्टिआ गवाआव बेनार्जीनि दावबायनायखौ गुवारै खंफोरथि होयाखै। सोनाब बंगनि बिजेपि



दोलोआ रबिबारखालि दाबि देखांदोंमोनदि, तृणमुल कंग्रेसनि गवा आफादआ ससेल मिडियाआव कार्टुन पस्ट खालामदौं, जेराव गाहाय मन्थ्रि नरेन्द्र मदि, मिरु नख'र मन्थ्रि

अमित शाह आरो गवानि गिबि मन्थ्रि प्रमद सावन्तखौ ममता बेनार्जीआ गावनि आर्थि सिडव दोन्नो नाजानायखौ नुनो मोन्दौं। ममता बेनार्जीनि गवाआव दावबायनायनि सिगां बे बोरिमा राइज्योआव बिनि सावगारि थानाय माखासे पस्टरफोरखौ बिसिनायनि केसआ सोराडव फेदौं। तृणमुल कंग्रेसआ बुधवारखालि बे जाथायखौ सौंखारिदौं।

मुलुगनाडै करनानि केसआ 24 कौटिनिफ्राय बांसिन जादौं

गोदान दिल्ली, 28 अक्टूबर:

2019 माइथायनि डिसेम्बर दानआव चीन हादरआव जागायजेनाय करना भाइरासनि सन्देरनाया दासिमबो मुलुगआव गोहोम गोगलैदौं। करना भाइरासनि रेखाथिनि थाखाय भेक्सिन मोन्नाय जादौंब्लाबो नाथाय बे बेरामनिफ्राय गावखौनो रेखाथि दड होन्ना सान्ना होया। भेक्सिन लाखांनायनि उनावबो गोबां सुबुंफोरा करना भाइरासजौं सन्देरजादौं। जन्स हपकिन्स इडनिभासिस्टिनि बादिब्ला, बहुमआव करनानि गासै केसआ 244.9 मिलियननि गोजौआव सौहैबाय। बेनिनो 49.7 मिलियन सुबुंफोरा जिउ गोमाबाय। दासिमआव 6.88 बिलियन सुबुंफोरा भेक्सिन थुजाबाय। सिएसएसइनि बादिब्ला, आमेरिका हादरआवना दासिमआव बांसिन केस मोन्नायजौं लोगोसे आरो बांसिन सुबुंफोरा जिउ गोमाबाय।



आमेरिकायाव गासै 4,57,03,865 केस आरो 7,41,231 सुबुंफोरा जिउ गोमाबाय। सन्देरनायनि बिथिडाव भारतआव 3,42,15,653 केसनि गेजेरजौं नैथि सारिआव दड। सिएसएसइआ फोरमायनाय बादिब्ला, 30 लाखनि बांसिन केस थानाय गात्रिसिनि हादरफोर फ र य - बाजिल(2,17,66,168), बिटेन(89,88,965), रासिया(82,20,975), तुकुरी(79,35,977), फान्स(72,42,180), इरान(58,88,100), स्पैन(50,06,675), इटाली(47,52,368)। थैनायफोरनि केसआव ब्राजिलआ नैथि मासिआव दड; जेराव 6,06,679 सुबुंफोरा जिउ गोमाबाय। ब्राजिलनि उनाव फारियै भारतआव (4,55,653), मेक्सिक'(2,86,888), रासिया(2,29,672), पेरु(2,00,118), इटाली(1,31,954), इरान(1,25,716), फ्रान्स(1,18,530) सुबुंफोरा जिउ गोमाबाय।

गारि सालायगिरिफोरनि थाखाय मिरु सरकारा मेघा आइ टेस्ट केम्प अभियान सालायनो थांखि लादौं

गोदान दिल्ली, 28 अक्टूबर : लामानि जात्रथायफोरखौ बाडाइ खालामनो थाखाय मिरु सरकारा गोबां बिथांखिनि सायाव खामानि मावदौं। आथिखालाव मिरुआ ट्राक-बास सालायगिरिफोरनि गारि सालायनाय समाव सिगांनि जान्थाइ नुहरनायनि जेनाखौ जानगारहोनो थाखाय हादतनाडै मेगा आइ टेस्ट केम्प जागायनो थांखि लादौं। बेयाव सरकारि आरो सरकारि नडै फसंथानफोरनि मदत लानाय जागोन। बेनि गेजेरजौं सहरफोर फिसा फिसौ नोगोरफोराव माहारियारि राजा लामाफोरनि सेर-सेरआव फालांगियारि गारि सालायगिरिफोरनि मेगन टेस्ट नायग्रा केम्प फसंना बिसोरखौ मेगनिनि टेस्ट नायना चश्मा आरो



फाहामथाय होनाय जागोन। मोनसे गोदान संदान्नायनि बादिब्ला, 40 जौखोन्दो ड्राइभरफोरनि मेगनिनि नोजोरा लोरबां जायफोरा 20-30 मिटर गोमानानो रोखायै नुहर। नाथाय बिसोरो बे नुथाय गोहोजौंनो मोनानि समावबो घन्टयाव 80

किल'मिटर गोखैथिजौं गारि सालायो। बे गोब्राब जेनाखौ लानानै हान्था मेलानि मावख'आ गिबि खेब हादतनाडै खोलोब बादिब्ला मेगन टेस्ट नायनाय केम्पनि अभियान सालायनो थांखि लादौं। बे अभियाननि गेजेरजौं माहारियारि राजा

ड्राइभरफोरा आरो हेन्डिमेनफोरखौ मेगनिनि टेस्ट खालामगोन आरो डाक्टरनि सुबुरुन होनाय बादियै चश्मा लानांगौनि रिपर्टबो हरगोन। बेयाव ड्राइभरनि फारसै आखाइयाव डिपल आरो गुबुन फारसै आखायाव रिपर्ट लेखा बिलाइ आरो चश्मा लानायनि सावगारिबो से बखांनाय जागोन। बेनि डेटाखौ बैंकआव आपलड खालामनाय जागोन।

लामाफोरनि सेरआव सहरफोर आरो फिसा फिसा सहरफोर, दावबायारिफोरनि सुबिधा मिरु,हल प्लाज धामा पार्कि बायदिफोरव 7 साननि केम्प खुलिनाय जागोन। बेफोराव मेगनिनि डाक्टरफोरनि गुन गोनां ड्राइभिं लाइसेन्स गोनां

भारतआव 2 साननि उनाव आरोबाव करनानि गोदान केसफोरनि अन्जिमाया बांदौं



अन्जिमाया गासै 1,60,989 आव सौहैदौं। थानाय 24 घन्टनि समाव 17 रोजानिफ्राय बांसिन रिकभारि जानायखौ थिसदौं। बेजौं लोगोसेनो हादतआव रिकभारि रेटआ गासै 98.20 जौखोन्दोसिम सौहैदौं, जाय मार्च 2020 नि उनाव बयनिखुडबो बांसिन जादौं। मावख'नि बायदिब्ला थानाय 24 घन्टयाव गासै 17,095 सुबुंफोरा करना इनफेक्सनिफ्राय

गोदान दिल्ली, 28 अक्टूबर :

कभिड-19 भेक्सिननि गिबि ड्रपखौ थुजाखांनाय 11 कौटिनिफ्राय बांसिन सुबुंफोरा नैथि ड्रपखौ थुजानायनि जोबथा समा बासनायनि उनावबो नैथि ड्रपखौ थुजायाखै। सरकारनि अन्जिमायाव बे बाथ्रया सोराडाव फेदौं। अन्जिमाया फोस्मायोदि, 6 सप्ताहनिफ्राय बांसिन सामव गासै 3.92 कौटिनिफ्राय बांसिन मुलाम्फागिरिफोरा नैथि ड्रपखौ थुवाखै। बेबायदिब्ला नैथि 1.57 कौटि सुबुंफोरा 4-6 सप्ताह गोबावजौं आरो 1.5 कौटिनिफ्राय बांसिनआ 2-4 सप्ताहनि गोबावजौं कभिशील्ड



एबा कभिक्सनिन नैथि ड्रपखौ लायाखै। बेबायदिब्ला नैथि 3.38 कौटिनिफ्राय बांसिन सुबुंफोर दड जायफोरा नैथि ड्रप थुनायाव 2 सप्ताहनि गोबाव खालामखांबाय। मावख'यारि सुलुंनि बायदिब्ला मिरुनि गाहाम देहा मन्थ्रि मनसुख

उनावबो नैथि ड्रपखौ थुजायै सुबुंफोरनि सायाव नोजोर होनो बुनाय जादौं। कभिशील्डनि गिबि आरो नैथि ड्रपनि गेजेराव 12 सप्ताहनि फारसैथि कभिक्सनिन नैथि ड्रपनि गेजेराव 4 सप्ताहनि फारागथिखौ लाखिनाय जायो। सुलुंनि बायदिब्ला मिरुनि गाहाम देहा मावख'आ माखासे राइज्यो आरो मिरुजौं खुंजानाय राइज्योफोरनो लाइजाम लिस्नानै बिसोरखौ बै मुलाम्फा मोनगिरिफोरनो नैथि ड्रपखौ थुनो गुदि बिथा होनो बुंदौं। जायफोरा थि खालाम खानाय जोबथा सम जानायनि उनावबो नैथि ड्रपखौ थुवाखै।

चीनआ भारतनि सिमनानिफ्राय दासिमबो जानगार जायाखै

गोदान दिल्ली, 28 अक्टूबर : थानाय माखासे सानफोरव खम जानायनि उनाव बुधवारआव करना इनफेक्सनि गोदान केसफोरनि अन्जिमायाव आरोबाव सरासन्ना खम जालानायखौ नुनो मोन्दौं। बे समाव हादतआव करना इनफेक्सनि गासै 16 रोजानिफ्राय बांसिन केस सोराडव फेदौं। जेराव थानाय 2 सानफोरव गोदान केसफोरनि अन्जिमाया गासै 13 रोजानि खाथियाव सौहैदौंमोन। बेनि अनगायै थानाय 24 घन्टयाव थैनायफोरनि अन्जिमाया बांदौं।

बे समाव 700 निफ्राय बांसिन थैनायखौ थिसदौं, जेराव फुरा सप्ताहयाव 1-2 साननि अनगायै माखासे सानफोरव थैनायनि अन्जिमाया गासै 300 नि खाथियाव सौहैदौंमोन। मिरुनि गाहाम देहा मावख'नि फारसै फोसावनाय गोदान अन्जिमानि बायदिब्ला, थानाय 24 घन्टयाव करनानि इनफेक्सनि गासै 16,156 गोदान केसआ सोराडव फेदौं, फारसैथि बे समाव थैनायफोरनि अन्जिमाया गासै 733 मोन। बेनि अनगायै बे समाव हादतआव सांघ्रांथि केसफोरनि

गोदान दिल्ली, 28 अक्टूबर:

चीननि फारसैनिफ्राय भारतखौ लान्थ्रियै थुनज्जायनाय हाबाफारि खालामनाया सोलिगासिनो दड; नाथाय भारतआ सांघ्रांथियै बिसोरजौं जुजिगासिनो दड। आथिखालाव भारत सरकारनि आबुं नोजोरआ एलएसिआव सोमजिनाय थांलाय-पैलायखौ आबुडै फोजोबनायनि सायाव। देबसां आरो हट सिं ओन्सोलाव चीननि सान्थ्रिफोरा दासिमबो




दड। बेनिखायनो चीननि सान्थ्रिफोरखौ होखारनो थाखाय भारतनि फारसैनिफ्राय लान्थ्रियै नाजगासिनो दड। अदेबानि चीनजौं लोगोसे जानाय जथुम्मायाव सावरायलायनायाव मोजां फिथाइ मोनखैमोन। अब्लाबो भारतआ चीननि सिमना आइनखौ लानानै थौंजोडै फिनजाथाय होदौं। चीनआ एरेबादि जेबो थांखि लायाखै, जायजौं सिमना ओन्सोलनि थासारिआव सोलायनाय सोमजिहोनो हायो। सरकारि सुलुंनि बादिब्ला, चीनजौं लोगोसे सान्जा लाडाखआव थानाय एलएसिजौं लोब्बा गोनां आयदाफोरनि सायाव बेराफारसै चीनआ सान्जा ओन्सोल अरुनाचल प्रदेशआव एलएसिनि खाथियाव गावसोरनि थांलाय-फैलाय खालामनायखौ बांहोगासिनो दड।

भारतजों लोगोसे गुबुन हादतआवबो दिवालीखौ गाजा-गोमजायै फालिनाय जायो: बेनि मिथिनो गोनां जाहेन

सौराणि फोर्बों

दिवालीखौ मुलुगनाडेनो फैगौ 4 नभेम्बरआव फालिनाय जागोन, जायनि थाखाय बयबो लाहार-फाहार खालामनो जागायदों। बोसोरफोमबो कार्तिक दाननि अमावैष्याआव बै फोर्बोंखौ रंजा-बाजायै फालिनाय जायो। बे सानाव बिमा लक्ष्मी आरो गणेश फुजा खालामनाय जायो, लोगोसेनो फटका बायदि सावनानै रंजानायबो जायो। मानिना लानाय जायोदि, दिवालीनि सानखालि बिमा लक्ष्मीखौ फुजा खालामोब्ला खैफोदफोरनिफ्राय रेहाय मोनो। सनातन धोराम बिजाबनि बादिब्ला, मर्यादा पुरषतम रामआ 14 बोसोर बनवास थाहैनयनि उनाव अयध्याआव गिदिबोफिन्दोमोन आरो बिखौ अयध्यानि सुबुंफोरा आलारि बाधि सावनानै बिसोरखौ राइज्योआव बरायदोंमोन। बै समनिफ्रायनो दिवाली फालिबोनाय जादों। आधिखालाव मुलुगनि गोबां हादतफोराव नेमखान्थिया आलादा-आलादा जायो। जारिमिनगिरिफोरनि बादिब्ला, त्रिनिदाद आरो दबैगआ एरैबायदि हादत, जेराव सनातन



धोरामनि गोबां अनसंगिरिफोर थायो। बेनि थागिबिफोर गासैबो फोर्बोंफोरखौ गाजा-गोमजायै फालियो आरो फारसेथिं फुजा-आर'ज खालामनायजों लोगोसे हरिसुआरि हाबाफरिबो खुंफुनाय जायो। बेयाव फावथिना दिन्थिनायबो जायो। फारसेथिं मोनाबिलि समाव भारतीय बायदि रोखोमनि ऑखि आरो जाग्रा आदारफोरखौ जानाय जायो। श्रीलंकायावबो दिवालीनि फोर्बोंखौ रंजा-बाजायै फालियो। बे फोर्बोंआव श्रीलंकायाव राइज्योआरि बन्द' लाखिनाय जायो। बेयाव खालि

रोखोमनि पटकाफोरखौल' गावनाय जायो, मिटाइफोर रानलायनायजों लोगोसेनो बल्कि (रटर) मोसानाय, देंखो रोजाबनाय, थुनफावथिना दिन्थिनाय आरो जानाय-लौनायनि हाबाफरि खुंफुनाय जायो। फारसेथिं जुथाय राइज्यो आमेरिकायाव दिवालीआ मावख'आरि गनायथि मोनाय फोर्बों। बै समाव आमेरिकायाव संसार जानाय गोबां अन्जिमनि भारतीयफोरा गावबा-गाव न'आव आलारि बाधि सावनानै पटका बायदि गावनानै दोहों

गोनाडे बै फोर्बोंखौ फालियो। लोगोसेनो गावजों गाव मिथाइफोरबो सोलाय-सोल' खालामना फोर्बोंनि गाहाम हामलायथिबो बाउलायो। मालयेसियाआव थानाय तामिल हिन्दु हरिनि सुबुंफोरा दिवालीनि समाव गावनि मोदोमाव थाव फुन्ना लानानै बेनि उनाव फुजा खालामो। लोगोसेनो बिमा लक्ष्मी आरो भगवान गणेशनयाव गोजोन शान्ति आरो गाहामै जिउ खुंलानायनि आर'ज गाबो। बै फोर्बोंखौ मालयेसियाआवबो गाजा-गोमजायै फालिनाय जायो।

रंजालि गथ' फोरनि सौरा

आंनि सिमां

हायेन

सानदोंमोन आं सासे
हारिनि गेजेरावनो
थरसे अलंवार
हारिनि दावहार।
आंनि सिमांआ गोजावदों
अखोरं बिखा गोजौयाव
माथि मिथिया आय!
सासे दैथायगिरि।
सानसे बेलासे थिनानै
दोनाय आंनि सिमां!
हनै फिथिखानि फाखनाव
सोनाब फासैआव।
माथो दावबायलांबायसो
बारहुंखानि बारनायाव
सानदुंनि दुंनायाव
थावरिनो हायैनि
आंनि सिमांया थैलांबायसो।

श्री उत्तम कुंगुर नाजरी
गाभि- बेलपुरि
ला-सै:- आपरगाव।

जॉनि हायेन बेसेबां समायना
आय हाबाव बेसेबां गोजोन,
बेलारोम समाव सोनाबफा सान हाबदों
दावमा दावसाफ्राबो रंजा-बाजा बिरलांदों
गथ'फ्राबो बेलारोम समाव बिजाब फरायो
बिजाब फरायखानायनि उनाव
बिबौनि सल बाथा खोनासडे।
हर खोमसि जायो आरो गथ'फ्राबो उन्दुयो
दावमा-दावसाफ्राबो सिरिये उन्दुयो।
आरो बिनि उनाव जारो मारो फुंबिलि जाबोयो
दावमा-दावसाफ्राबो रंजा-बाजा
गोदै गारांजों मेशाय खनो
आंनि गोसोआबो रंजानो गोसो जायो
आय हाबाव बेसे समायना जॉनि हायेन्नालाइ।

मुसि दैथुन नाजरी
गाभि- ओवाबारी, बिसपुरी।

सिरि ए: सासुअल'आ जुभेन्टासखौ 2-1 गलजों फेजेन्दों



इटाली, 28 अक्टूबर: मासिमिलान' एलिग्रीआ जुभेन्टासनि 200 केब कच महरै दैदेन्नाय मेचआव 2-1 गलआव सासुअल'जों जेन्नांदों। बुधवारखालि गेलेनाय सिरि एनि बे मेचआव गिबि हाफनि 44 मिनटआव डेभिड प्रार्टिसिआ गल सोनानै सासुअल'खौ 1-0 गलजों आवगायहोनो हादोंमोन। नैथि हाफनि 76 मिनटआव जुभेन्टासनि गेलेगिरि वेस्टन मेक किनिआ गल सोनानै 1-

1 गलजों समान समान खालामनो हादोंमोनब्लाबो मेचनि उफ्रा। समाव सासुअल'नि गेलेगिरि मेक्सिम लपेजआ गल सोनानै जुभेन्टासनि स्टेडियामआव गिबि खेब देरहानो हायो। सिरि एनि पइन्ट फारिलाइयाव 10 मेच गेलेनायाव 15 पइन्ट लानानै जुभेन्टासआ 7 थि मासि आरो सासुअल'आ बे मेचखौ देरहानानै 14 पइन्ट लानानै 9 थि मासिआव थानो हायो। एसि मिलानआ खेब

10 मेच गेलेनायाव 28 पइन्ट लानानै सेथि मासिखौ आवग्रिनो हादों। बे सिजननि बादायलायनायाव जुभेन्टासआ गोखों स्ट्राइकारनि आंखालजों भुगिनांदों। क्रिस्टियान रनाल्डआ जुभेन्टास हान्जाखौ नागारलानायनि उनाव हान्जायाव बिथानि आंखालखौ नुनो मोन्दों। जेराव जुभेन्टासआ आगुनि सिजनपोराव टप मासिआव थानो हायोमोन, नाथाय सोलिफु सिजनआव टप मासिनिफ्राय जानगारआव

थानायखौ नुनो मोन्दों। गुबुन मेचफोराव फारियै थामथि मासिनि इन्टरमिलान हान्जाया इनपलिखौ 2-0 गलआव फेजेनो। लाजियआ पियरिनटिनाखौ 1-0 गलाव पेजेनानै जुभेन्टासनि गोजौसिन 6 थि मासिआव थानो हायो। आटलान्ताया साम्पडरियाखौ 1-3 गलआव फेजेनानै बाधि मासिआव थानो हादों। एसि रमाआ कार्लियारिखौ 1-2 गलाव फेजेनानै ब्रँथि मासिआव थानो हादों।

लहायाव मानो माराम खायो ? लहाया माबरै गोमालाडे ? मिथिनो गोनां बाथ्रा

उन्दैनिफ्रायनो गागि

सुबुंफोरनिफ्राय बे बाथ्राखौ खोनाबोदोंदि, खामानिखौ मावबाय, थानांगौ नडाब्ला लहायाव माराम जायो, अदेबानि जॉनि देहा सोलेरावबो माराम जायो। थामहिनाब अलसिया जालाडे। नख र'आव बाहायनाय लहानि मुवाफोराव माराम खानाया सरसन्ना बाथ्रा। नाथाय बेयो गिबि गिबियाव माबोरै जायो आरो बेखौ माबोरै संरखिथिलि लाखिनो हायो बेखौ जों गोबांआनो मिथिया। बिनिनो गोनांथार खौरखौ जों मिथिना लानि। सोथिआ जादों लहायाव मानो माराम जायो आरो दैयाव मा थायो जायनि जाहोनाव लहानि मुवाफोराव



माराम जायो आरो लहाया लासैनो जोबलाडे। नोजोर होथावदि, लहानि मुवाफोरा गोदान समाव गोजों जायो, नाथाय दाबसे जायगायावबो दोनबाय थानानै सिदोमा जानायनि जाहोनाव लासैनो बेयाव जारोम गाबनि थोरफो एबा माराम सोमजिखाडे। बेखौनो माराम जानाय होन्ना

बुडे। गिबि गिबियाव लहानि गावआ सोलायनो हमो आरो उनाव माराम जानायखौ रोखा नुनो मोनो। बेनि जाहोनखौ जों फय्यसालियाव सोलौथय लानाय समाव बिगियान आयदायाव मोनबोखबैय अब्लाबो बांसिननि गोसोआव बेनि गुबै जाहोनआ गोसोआव थाया। लहायाव जेब्ला अक्सिजेन आरो सिदोमा

थासारिजों सोमोन्दोआ फैयो अब्ला लहाया बोलोरजों फिनजाथाय जानानै माखासे थोरफो सोमजिखाडे आरो लहाया गात्रि जानो हमो आरो बेनि गावआ सोलायलाडे, बिसोरजों लहायाव माराम जानाय बुनाय जायो। माराम जानायनि ऑथिया जादों लासै लासै जोबलानाय। जेब्ला बबेबा धातुआ सिदोमा जायगाआव गोबाव सम थायोब्ला बेयो माराम जानानै लासैनो जोबलाडे। लहानि अनगायैरुफ, लामा बायदियावबो माराम जायो। रुफानि सायो गोसोम गावनि माराम जायो आरो लामायाव गोथां गाबनि माराम जायो।

टी-20 वर्ल्ड काप: स्कटलेण्डखौ फेजेनानै भारत आरो निउजिलेण्डनि सिगाडव थानो हादों नामिभियाआ

गोदान दिल्ली, 28 अक्टूबर: टी-20 वर्ल्ड कापनि मेचआव नामिभियाआ मोजाडै गेलेनानै दिन्थिफुंनो हानायजों सुपर-12 स्टेजआव आवगायनो हायो। फास्ट बलार रुबेन ट्राम्पलमेन आरो जेन फ्राइलिकनि गोखोडै गेलेनानै दिन्थिफुं'नायजों नामिभियाआ स्कटलेण्डखौ 4 उइके जों फेजेनो हायो। स्कटलेण्डखौ फेजेनो हानानै नामिभियाआ गुप 2 नि पइन्ट फारिलाइयाव भारत आरो निउजिलेण्डखौ गाहायाव गालानो हायो। गुप अफ डेटआव बांलादेशखौ सा 8 उइकेटजों फेजेनो हानायनि उनाव इंलेण्डआ नम्बर 1 आव जायगा आवग्रिनो हायो। स्कटलेण्डखौ फेजेनो हानानै नामिभियाआ पइन्ट टेबल(गुप-2) नि फारिलाइयाव थामथि जायगायाव थानो हायो। नामिभियानि देरहानायाव



भारतयारि आरो निउजिलेण्डनि हान्जाया फावसायनो गोनां जायो। भारतयारि टीमआ 5 थि आरो किबिनि टीमआ 4 थि थाखोआव जायगा आवग्रिनानै डड। गुप-2 नि थाखोआव लान्थियै खेबनै देरहानायजों पाकिस्ताननि टीमआ गिबि जायगा आरो खेबसे मेचआव देरहानायजों आफगानिस्तानआ नैथि जायगा आवग्रिनानै डड। गुप-1 नि थाखोआव बांलादेशनि हेंथायै गोरलैयैनो देरहानायजों गिबि जायगा आवग्रिनानै डड। जेन्नायनि

उनाव बांलादेशनि टीमआ 5 थि सारिआव दावख्तायनानै फे बाय। गुप-1 नि थाखोआव बादायलायनाय मोननैबो मेचआव इंलेण्डआ देरहानो हायो नाथाय बांलादेशनि हान्जाया दासिमनि गेजेराव बादायलायनाय मोननैबो मेचआव नो जेन्ना गोनां जादों। खेबसे देरहानायजों श्रीलंकानि हान्जाया गुप-1 नि थाखोआव नैथि आरो अस्ट्रेलियानि टीमआ थामथि जायगा आवग्रिनानै डड।

लीग काप बादायलायनायनिफ्राय मन्चेस्टर सिटिआ बिदाइ लानांबाय

लन्डन, 28 अक्टूबर: मन्चेस्टर सिटि फुटबल हान्जाया लान्थियै ब्रैथि खेब इंग्लिस लीग कापनि बिमुं देरहानो हादोंमोन, नाथाय बे बोसोराव राउन्ड 16 नि मोनसे मेचआव फेनाल्टिनि गेजेरजों 5-3 गलआव जेन्ना बै बादायलायनायनिफ्राय बाइजोआव थानाडे। वेस्टहामनि हेंथायै गेलेनाय बे मेचआव मोननैबो हान्जाया गल सोलायनो हायाखैमोन, जायनि जाहोनाव फेनाल्टि शुटआउट होनाय जायो। मन्चेस्टर सिटिनि स्ट्राइकार फिल पडेनआ फेनाल्टि गलखौ सोनो हायाखैमोन, बेनि खाबुखौ लानानै वेस्टहामनि हान्जाया गासैबो फेनाल्टि गलखौ सोनो हानानै मेचखौ देरहानो हायो। मख'जाथावदि, वेस्टहाम हान्जाया थानाय माखासे मेचफोरखौ गोखोडै गेलेनो हादों, जेराव लीग कापनि राउन्ड 32 बादायलायनायाव मन्चेस्टर इनाइटेडवादि गोखों हान्जाखौ फेजेनो हायो। मन्चेस्टर सिटिआ बे मेचआव गोखों गेलेगिरि इडारसन, रुबेन दियास आरो बेर्नार्ड'सिल्वारखौ जिरायहोदोंमोन, नाथाय केबिन डि ब्राइन, इलेक गुनडगान आरो रहिम स्टारलिआ बे मेचआव गेलेदोंमोनब्लाबो गोखों गेलेनानै दिन्थिफुंनो हायाखैमोन। लिभारफुलआ प्रेस्टनखौ 2-0 गलआव फेजेनदोंमोन। मेचनि 62 आरो 84 मिनटआव फारियै टुकुमि मिनामिन आरो डिमक अरिगिनि गल होनायजों लिभारफुलआ राउन्ड 16 नि बे मेचखौ देरहानो हादोंमोन। बेराफासै लिचेस्टर सिटिआ ब्राइटनखौ 4-2 गलआव फेजेनो हायो। जोबथा समसिमआव मेचआ 2-2 गलआव ड'जादोंमोन। जायनि जाहोनाव फेनाल्टि जोनाय जायो आरो बे फेनाल्टिआव लिचेस्टरआ देरहानो हायो।

भारतयारि फुटबल कच इगर रिटमेकआ गेलेगिरिफोरनिसिम माखासे मोन्थोर होदों

दुबाइ, 28 अक्टूबर: आन्डर-23 एसिया कापनि दैदेनगिरि इउएइनि हेंथायै जानाय मेचनि सिमां भारतनि माहारियारि फुटबल कच इगर रिटमेकआ भारतयारि हान्जानिसिम देरहानायनि मोनसे मोन्थोर होयो। दुर्नामेन्टआव ऑखारनायनि सिमां बिथाड हान्जानि गेलेगिरिफोरनिसिम माखासे गोसोयारि बोलो होदों। दुर्नामेन्टनि जागायजेन्नाय मेचआव अमान बायदि गोखों हान्जाखौ फेजेनो हानायनि गोहोखौ पोसमायनानै बिथाड गेलेगिरिफोरखौ दैज्य हमनानै गिदिर सिमां नुनांगौनि सुबुरुन होयो। आन्डर-23 एसियान काप क्वालिकफायरनि मेचआव भारतआ दुर्नामेन्टनि नैथि मेच महरै दिने बृहस्पतिवारखालि मेचखौ सामलायग्रा इउएइनि हेंथायै गेलेगोन। हान्जानि



गेलेगिरिफोरनिसिम सुबुरुन होनायनि सायाव बिथाडा खौरंगिरिनि सिगाडव बुंदोंदि, टीमनि गेलेगिरिफोरखौ दैज्य लाखिनानै आरो गिदिर सिमां सुजुनानै गेलेना दिन्थिफुंनोनि सुबुरुन खालामदों। भारतनि बेक फर आरो गल किपार धिराज सिंनि मोजाडै गेलेनानै दिन्थिफुं'नायाव भारतयारि टीमआ अमाननि हेंथायै 2-

1 गलनि फारागथिआव देरहादोंमोन। कच रिटमेकआ टीमनिफ्राय दिन्थिफुं'गोननि सायाव मोजां फिथाइ फेगोननि आसा खालामदों। सिमां फासै बिथाड बुंबावोदि, भारतयारि हान्जाया इउएइनि हेंथायै गोबां थियारि जानांगौ गैया मानोना अमाननि हान्जाया इउएइनि रुजुनायाव टेक्निकेलि माखासे साबसिनआव डड।

केक'हाटीआव सोरां मन्जु थियेटार दिन्थिफुंनो लाहार-फाहार

रडिया, 28 अक्टूबर: फैगौ 5, 6 आरौ 7 नवेम्बरखालि कामरूप जिल्लानि रडिया महकुमानि बेन्दौ सिङव थानाय 3 नं केक'हाटी गामियाव 3 नं केक'हाटी बाथौ थानसालि आफादनि बान्जायनायाव सोरां मन्जु थियेटारखौ दिन्थिनाय जागोन होनानै बान्जाय आफादनि आफादगिरि गपेश बर' आरौ गहाइ नेहाथारि राइदावखां बर'आ फोरमायहरदों। बान्जाय आफादा फोरमायबावनाय बादिब्ला, थियेटार दिन्थिनानै मुलाम्फा जायोब्ला आद्रा जानानै थानाय 3 नं केक'हाटी बाथौ थानसालिखौ लुफुंनयाव



बाहायनाय जागोन। राइजो-राजाफोरा लैहोर-लैहोर फैनानै थियेटारखौ नायनानै मिर्जिथिनायखौ जाफुंसार होगोन होनानै बान्जाय आफादा मिर्जिथिनाय फोरमायदों। थियेटारनि नाइजावफोरा जाबाय फारियै, 'चन्द्र कान्त मोसाहारनि मन्दिारनि मोदै, सिमानसिं बर'नि सिन्दुर आरौ चन्द्र कान्त मोसाहारनि सोर आनि आफाया' बायदि नायजावफोरखौ दिन्थिफुंनया जागोन।

(□ 1 बिलाड़िफ्राय)

बिसायख 'थि उफ्रा बिसायख 'थिखौ उदां गोजोन आरौ रैखाथियै खुंफुंनो थाखाय आबुडै ..

नोगोरिफोरनि गावबा गावनि बेसेन गोसा भटखौ होनायनि सायावबो एस थि इ इ पिनि आवथायाव सामग्रांथियारि हाबाफारि खुंनाय जादों। बिसायख 'थि सामलाय आफादआ मोनसे फोसावथिनि गेजेरजों फोरमायनाय बादिब्ला मोन 5 बियाबनि गासै 1,176 भट मिरुफोरव वेब कार्टिनि रहा खालामनाय जादों। बेनि गेजेराव 28 नं गसाइगाव बियाबआव गासै मोन 285, 41 नं भवानिपुर बियाबआव मोन 213 मिरु, 58 नं तामुलपुर बियाबआव 322 मिरु, 101 नं मरियनि बियाबआव मोन 183 मिरु आरौ 107 नं तावरा बियाबआव मोन 173 भट मिरुफोर दं। वेब कार्टिनि गेजेरजों सिफ इलेक्टेल अफिसार आरौ डिस्ट्रिक्ट इलेक्सन अफिसारफोरा बिसायख 'थिनि सानखालि भट सोनाय फारिखान्थिखौ लाइभआव थोजोडै नायनो हागोन। कभिड-19 महामारिनि फारसै नोजोर लाखिनानै बिसायख 'थि आयगआ गासै भट मिरुफोरव कभिड-19 नि रैखाथि प्रटकलफोरखौ गोखोडै मानिनानै सोलिनायनि थाखायबो बिथोन होनाय जादों। बेबायदिनो मोनफोमबो भट मिरुफोरव सेनिटाइज खालामनाय जागोन लोगोसे टर्मल स्केनि, हेन सेनिटाइजर, मार्कफोरखौ गोबाडैनो मोनो हागोन। मख'नाय जायोदि, फैगौ 30 अक्टूबरव खुंनो गोनां मोन 5 बियाबनि उफ्रा बिधान सभा बिसायख 'थियाव गासै सा 31 बिजाथिफोरा गसदों। बे सा 31 बिजाथिफोरनि खाफालनि बरादखौ सा 7,96,456 भटारफोरा सायख'गोन।□

गसाइगाव बिधान सभानि उफ्रा बिसायख 'थिनि ...

गुबुन फारसे उफ्रा बिसायख 'थियाव गसाइगाव बिधान सभा बियाबआव गासै सा 2,90,640 भटारफोरा भट होगोन। बेनि गेजेराव सा 97,672 हौवा, सा 92,966 हिन्जाव आरौ सानै थामथि आथोननि भटार। बियाबआव गासै 285 भट मिरुनि गेजेराव मोन 22 भट होग्रा मिरुआ गिथावना आरौ मोन 20 भट होग्रा मिरुआ जोबोद गिथावना महैर सिनायथि जादों। लोगोसेनो गोखौ रैखाथि रहा खालामनाय जादों होना गसाइगाव जिल्ला बिसायख 'थि नडेल बिबानगिरि गौतम प्रियम मन्थिआ मिथिहोदों। फैगौ 30 अक्टूबरव खुंफुंनो गोनां भट होनायनि थाखाय सा 357 प्रिसाइडिं आरौ सा 1071 पलिं बिबानगिरिखौ थिसन्नानै बिसायख 'थिखौ गोजोनै खुंफुंनयायनि रहाखौ आबु खालामनाय जाबाय। आथिखालाव भट होनायनि सानाव रैखाथिनि थाखाय थिसनजानायनि सायाव पुलिस आरौ मिरु रैखाथि हान्जानि माखासे कम्पनीफोरखौ थिसनबाय। दिने बिसायख 'थि थियाथिखौ नायसंनयायनि थाखाय गसाइगावआव पुलिसनि एडिजिपि एल. आर. बिणयआ नुजाथि फैयो आरौ गसाइगाव पुलिस थानायाव गुबुन गुबुन मोन 6 जन आरौ मोन 28 सेक्टरनि भट होनायनि रैखाथिनि बिफानआव थानाय पुलिस बिबानगिरिफोरजों सावरायलायदों।□

अनलाइन ड्राइभिं लाइसेन्स आरौ डुप्लिकेट ड्राइभिं ..

राइजो-राजाफोरखौ सोलायनायनि अनगायैबो मोजां खुंथाय खाबु होनायनि नाजानाय जादों होनानैबो गिबि मन्थि ७ शर्माआ बुडो। बे सिबिथाय जागायजेनायनि गेजेरजों सरसनखा राइजो-राजाफोरा आथिखालनिफ्राय जायखि-जाया जिल्ला हान्था-मेलानि मावखुलिनिफिस थानानै लारि-जानानै गावनि बेसेन गोसा समआ बाहायजानायनिफ्राय रेहाय मोनगोन होनानैबो बियो बुडो। बे सिबिथायनि गेजेरजों आथिखालाव राइजो-राजाफोरा गावनि गारि सालायग्रा फोरमानलाइनि रिनिउ खालामनाय आरौ डुप्लिकेट ड्राइभिं लाइसेन्स मोनायनि थाखाय अनलाइननि गेजेरजों आर'ज खालामनो हागोन आरौ बेयो राइज्यो सरकारनि खोजोना बांहोनायावबो हेफाजाव होगोन होना गिबि मन्थिआ बुंथियो।

जिल्ला हान्था-मेलानि बिफाननि बिबानगिरि खामनि बिजों आरौ मोजांथारै सामलायनायनि थाखाय आरौ मोनसे पर्टेल सोरजिनायनि थोखि लानाय जागोन होना मख'नानै बे पर्टेलनि गेजेरजों हान्था-मेलानि बिफानगिरिनि मावखुलिनिफ्राय अरयथा ड्राइभिं लाइसेन्स मोनायनि थाखाय सिगांग्रो एपइन्टेन्ट लानायनि रहा लानाय जागोन, मानोना जायखि-जाया जाहोनावनो जिल्ला हान्था-मेलानि बिबानगिरिआ नुजाथि फैयैनि थाखाय सरसनखा सुबुंफोरा सिबिथाय मोनायनिफ्राय नेवसिजानाड। फैगौ बोसोरनि 31 मार्चनि गेजेराव जिल्ला हान्था-मेलानि बिबानगिरिफोरनि मावखुलिफोरखौ आबुडै बाहायजानाय बादि खालामनाय जागोन होनानैबो गिबि मन्थिआ बुंदों। आबुडै बाहायजानाय बादि हाबाफारि फारिहाइनि सिङव बिगोमानि आखाइ होनाय, डुप्लिकेट रेंजिस्टर, रेंजिस्टर खालामनाय फोरमानलाइनि थावनि सोलायनाय, हारिसायरि गारि सालायनायनि फोरमानलाइ, कन्डाक्टरनि डुप्लिकेटनि फोरमानलाइ, कन्डाक्टरनि फोरमानलाइखौ रिनिउ खालामनाय बायदि सिबिथायखौ मोनगोन। बिरेंदामिन बाहायनायनि गेजेरजों आरौ गोबां सिबिथायखौ राइजो-राजाफोरनो मोनहोगोन होनानैबो गिबि मन्थि ७ शर्माआ बुंदों। हाबाफारियाव आसामनि हान्था-मेलानि मन्थि चन्द्र महन पाटवारिआ बुंदेंदि, बिफाननि सिबिथाय होनायनि रहायाव बिरेंदामिननि सोलो बाहायनायजों बिफानखौ आरौबाव बांसिनथारै बाहायजानाय खालामनाय बिथिंआव गिबि मन्थि ७ शर्माआ लानाय बिफावआ बाङ्गायजाथाव। बिफानआ आधार आरौ आधार गैयै फोरमानलाइनि गेजेरजों सोदंनया सिबिथायफोरखौ सरसनखा राइजो-राजाफोरनि थाखाय जागायजेनायनि बिथिंआव बाहायजानाय बादियै खामनि मावगासिनो दं होनाबो मन्थिआ बुंदों। मख'नो गोनांदि, हान्था-मेलानि बिफानआ थानाय 3 सेप्टेम्बरव आथिखालाव कन्टेक्टलेस लानार लाइसेन्स मोनाय सिबिथायखौ जागायजेदों। बे सिबिथायनि गेजेरजों मैयासिमआव गासै मोन 1,39,925 लानार लाइसेन्स गथायनाय जादों। बेनि अनगायै एम भान एपनि गेजेरजों बिफानआ 26 अक्टूबरसिम मोन 4472 पिटेल सार्टिफिकेट गथायदों। दिनेनि बे हाबाफारियाव हान्था-मेलानि बिफाननि गहाय नेहाथारि के. के त्रिबेदी, गिबि मन्थिनि गहाय नेहाथारि समिर कुमार सिन्हा, हान्था-मेलानि कमिसनर आदिल खानमोनजों लोगोसे गागि बिबानगिफोर नुजाथि फैदों।□

मुंख्लं बिमल मोसाहारि आरौ रिमल मोसाहारि गोसोखांथि जोलुर बादायलायनाया जागायबाय



काजलगाव, 28 अक्टूबर: चिरां जिल्लानि नै नं थुखाझार गामिनि दानसोरां लाइमोन क्लाब लोगोसे लाइब्रेरिनि बान्जायनायाव मुंख्लं बिमल मोसाहारि आरौ रिमल मोसाहारिनि मुडै गोसोखांथि जोलुर बादायलायनाया दिनेनिफ्राय जागायबाय।

बे जोलुर बादायलायनायखौ बेखेवना होयो बारग' एन डि एफ बि नि दैदेनगिरि बि. सुदेमआ। लोगोसे बेखेवजेनाय हाबाफारियाव आलासि महैर बाहागो लादोंमोन बि टि सिनि

एम सि एल ए अमर बसुमतारी, बारग' एन डि एफ बिनि दैदेनगिरिफोर बि. जायख्लं, एन अखाहादै, बि खाइलाव बिथांमोनहा। दिनेनि गिबि सानाव बेखेवजेनाय बादायलायनायखौ गेलेयो एथेलेन्स स्पट'स क्लाब, पाटगाव आरौ सिरां थिम्बार एफ सि नि गेजेराव।

मख'नाय जायोदि, जोबथा बादायलायवा देरहासार जागोन हानजानो बान्था महैर 50 रोजा रां जों लोगोसे गंसे थ्रफि आरौ रानास आप हान्जानो 30 रोजा

रांजों लोगोसे गंसे थ्रफि होननाय जागोन। मख'बावनो गोनांदि, बर' हारिनि रैखाथि आरौ थामोन्थानि थाखाय एन डि एफ बि आफादाव हावनानै बिमल मोसाहारि अरफे एम बोसोमआ सुथुर फोरनि आखाइआव 2003 माइथाइनि 26 डिसेम्बर खालार खालि मुंख्लं जादोंमोन लोगोसे बिनि फंभाइ रिमल मोसाहारिआबो 2000 माइथाइनि डिसेम्बर 20 खालार खालि सुथुरनि आखायाव मुंख्लं जानो गोनां जादोंमोन।□

(□ 1 बिलाड़िफ्राय)

बिजनीयाव जुवाजों लोब्बा थानाय सानै सुबुंखौ खादों

बान्जायदों। बे नायबिजिरनाय एबा सिग्रोमनाय हाबाफारि बान्जायनाय समाव पुलिसआ जुवा खेलाजों लोब्बा थानाय सानै सुबुंखौ हमनो हायो। हमजानाय सानै सुबुंफोरखौ हाबेल मल्ला (28) आरौ जाबेद आलि (30) होनानै सिनायथिनाय जादों। लोगोसे बिसोरनिफ्राय पुलिसआ 24,700 नोगोद रांखौबो मोनफानाय जादों। बिसोर सानैनि हेंथायै पुलिसआ आसाम गेम्स एन्ड बेटिं एक्टनि आवथायाव बिजनी पुलिस थानायाव 440/2021 इड/एस 13/14 नम्बरनि मोनसे गेस थिसननाय जाबाय आरौ सोनाय-फिन्नायनि गेजेरजों संदानाया सोलिगासिनो।□

चिरांनि जिल्ला बेंगिरिआ एससिआरएम हान्जानि सोद्रोमाफोरजों मेल जथुमदों

बे मेलनि गेजेरजों जिल्ला बेंगिरि आरौ एससिआरएम हान्जानि सोद्रोमाफोरनि गेजेराव चिरां जिल्लयाव देहा सिबिथायनि थासारिखो माबोरै साबसिन आरौ गोखौसिन खालामनो हागोन बेनि सायाव सावरायनाय जादों। बे मेलआव एससिआरएम हान्जाया चिरां जिल्लानि गुबुन गुबुन देहा सिबिथाय मिरुफोरव दावबायहैनानै नायगिदिहैनाय समाव देहा बिफाननि सामलायनाय एबा सिबिथाय होनायनि बेलायाव फिनजाथाय महैर गावसिनि दाजाबथाय बिबुंथिखौ होयो। लोगोसे देहा सिबिथायनि बेलायाव साबसिन फिथाइ मोनो हानमाय बादि राइज्योयारि थाखौनि माखासे कौसल आरौ आदब खायदाफोरखौ बरनायनानै होयो। बवेखानि एससिआरएम हान्जानि सोद्रोमाफोरा बावैसो सिगां चिरां जिल्लानि सिङव थानाय गुबुन गुबुन देहा सिबिथाय मिरुफोरव दावबायहैनानै फिल्ट लेभल वार्कार (एफएलडब्लिउ) आरौ गुबुन मावफारियाफोरजों सावरायलायनानै देहा सिबिथाय होनायनि थासारिनि सायाव खौरं एबा सुलु लाहैदोंमोन। दिने फिन चिरां दावबायफैनाय एससिआरएम हान्जायाव दडमोन फारियै- दैदेनगिरि महैर ७ बिदिशा हाजरिका, ७ बबीमा शर्मा, ७ रमेश बात्ता, अबनी कुमार बर, जितुमनी नाथ, अरुनधति गौ, गबिन्द बरुवा आरौ अपुरव दास। दिनेनि बे मेलआव जिल्ला बेंगिरि नरेन्द्र कुमार साहजों लोगोसे चिरां जिल्ला खुंथायनि जानानै उफ्रा जिल्ला बेंगिरि कनिन्द्र दास, जिल्ला देहा सिबिथाय बिफाननि फोनांजाव बिथोनगिरि ७ रातुल चन्द्र बरदलै आरौ देहा बिफाननि गुबुन गोबां गोजौ थाखौनि मावख 'गिरिफोराबो दंफायोमोन।□

उफ्रा बिसायख 'थि: बाक्सा जिल्ला खुंथाया थियारि जाबाय

मेलानि थाखायखौ मथर-गारिफोरखौ थियारि खालामनाय जाबाय। बे भट होनायखौ गोजोन आरौ गोगोयै खुंफुंनो पुलिस आरौ मिरु रैखाथि हान्जाखौ थिसननाय जागोन होना फोरमायनानै बिसायख 'थि बिबानगिरि आयुष गार्गआ बियाबनि सिङव थानाय गिथावना आरौ जोबोद गिथावना महैर सिनायथि जानाय भट मिरुफोरव उफ्रा रैखाथि मावफारियाफोरखौ थिसननाय जागोन होनानै मख'दों। मोन 308 भट मिरु थानाय बियाबआव सा 2,10,379 भटारफोरा भट होगोन, बेनिनो सा 1,07,257 हौवा भटार आरौ सा 1,03,122 आइजो भटफोर दं। गुबुन फारसे बेंगुरा भटारफोरनि थाखायबो खुंथाया जर'खा रहा लानाय जादों होना मिथिहोदों।□

राइज्योआव 2 कौटि सुबुंफोर भेक्सिननि गिबि ड'ज लाखांबाय

राइज्योनि सुबुंफोरनि गेजेराव बुधवारखालि गासै 2,76,09,960 ड'ज कभिड भेक्सिनखौ सावस्त्रि बिफाना होखांबाय। बेरफारसै कभिड बेक्सिन थुनाय हाबाफारियाव आसामआ मिर्जिथिनाय बायदियै जाफुंसारनो हानायनि थाखाय गिबि मन्थि ७ हिमन्त बिश्व शर्माआ सावस्त्रि मावफारिया आरौ भेक्सिन थुनाय हाबाफारिजों लोब्बा गोनां गासैनिसिमबो हामब्लायथि बाउहरनायजों लोगोसे गहाय मन्थि नरेन्द्र मदिनिसिमबो बे हाबाफारिया जाफुंसारनायनि थाखाय साबायखर बाउहरो।

गुबुन पारसैथिं 2 कौटि लुबुंफोरनो गिबि ड'ज बेक्सिन थुनाय हाबाफारिनि सिङव बुधुमनानै लानायनि थाखाय सावस्त्रि मन्थि केशव महन्तआबो राइज्योनि राइजो-राजाफोरनिसिम हामब्लायथि बाउहरो। सावस्त्रि मन्थि महन्तआ राइज्योनि खना-खनला, गामि-सोहोरआव बे हाबाफारिखौ जाफुंसार होनायाव बासिनै गोनांथार बिफाव लानाय गासैबो देहा फाहामगिरि, सावस्त्रि मावफारिया, आसा मावफारिया, अंगनबादि मावफारिया-हेफाजाबगिरि, गामि बोराइनि फारसै साबायखर बाउहरो। बिथाड खुंथायफोरजों लोगोसे जिल्ला सावस्त्रि बिफाननि बिबानगिरिफोरा बे हाबाफारिखौ जाफुंसार होनायनि थाखाय बिफाव लानायखौ बाङ्गायो।

राइज्योयाव कभिडनि सन्देरनाया सोलिगासिनो दं। दिनेनि गेजेरावनो राइज्योयाव गोदानै सा 244 सुबुंफोरखौ कभिड पजिटिभ मोनो हायो। बेबायदिनो दिनेनि सानाव कभिडजों साग्लोबजानानै गासै सा 6 सुबुंफोर जिउ खोमानादों। माहारियारि सावस्त्रि बिथांथि, आसामआ मिथिहोनाय बादिब्ला दिने राइज्योयाव गासै सा 37,836 सुबुंफोरखौ कभिडनि आन्जाद खालामनाय जायो। बेनिनो गासै सा 244 सुबुंफोरनि देहायाव कभिड पजिटिभ मोनो हायो। दिने कभिड पजिटिभ मोनोना हानाय सुबुंफोरनि गेजेराव कामरूप नोगोरमा जिल्लयायाव सा 75, शिवसगरआव सा 19, बरपेटा आरौ कामरूप जिल्लयायाव सा 18 सुबुंफोय कभिडजों साग्लोबजादों। दिने कभिडजों साग्लोबजानायनि हारा 0.64 जौखोन्दो। गुबुन पारसैथिं दिने कभिडजों साग्लोबजानानै कामरूप नोजोरमा आरौ कामरूप जिल्लयायाव सा 4, धुबुरी-जशहात जिल्लयायाव सानै गासै सा 6 सुबुंफोय जिउ गोमायो। राइज्योयाव कभिडनिफ्राय हामखांनानयनि हारा 98. 36 जौखोन्दो।□

बिगाया रुंसारि सानक्य ब्रह्मनि 9 थि बोसोरारि थैनाय सानखौ दोरोडारि गेलेमु बादायलायनायजों खुंफुंनो साखा-फारा

बड'लेन्ड इन्डिजेनियास गेम्स एससियेसन (बिगा) खौ दानाय जादोंमोन। बे गौथुमआ बिटिसि हालामआव मोन 55 नि बांसिन गोजाम दोरोडारि गेलेमुफोरखौ सिनायथि होनो हाबाय आरौ सोलिफु समाव गौथुमआ बेफोर गोजाम गेलेमुफोरखौ बोखांफिन्नाय, रैखाथि होनाय आरौ फोजौखौहोनायनि थाखाय खामानि मावगासिनो दं। बान्जाय आफादाआ मिथिहोनाय बादिब्ला बे दोरोडारि दिने गेलेमु आमोल-दिमोल गेलेनाय बादायलायनायखौ बिटिसिनि गेलेमु बिफाननि मावफुं सोद्रोमा दावबायसा बर'आ बेखेवनानै होगोन। बे बादायलायनायाव देरहासाद जानो हानाय सेथि हान्जानो गंसे टूफीजों लोगोसे नोगोद 20 रोजा रां, रानास आफ हान्जानो गंसे टूफीजों लोगोसे नोगोद 15 रोजा रां आरौ थामथि सारियाव थानो हानाय हान्जानो 5 रोजा रां बान्था महैर होनाय जागोन। रुंसारि सानक्य ब्रह्मनि बोसोरसालिया थैनाय सान फालिनायनि लोब्बायै बे आमोल-दिमोल गेलेमु बादायलायनायखौ जाफुंसारै खुंफुंनयायनि थाखाय दासिम थागथियारि हाबाफारिया आबु जाबाय।□

बाक्सानि धमधमा जौगाखां खोन्दोआव हाथायनि टेन्डारनि मुडाव बेल-बेजे

थानांनया माखासे लाइमोनफोरा दिने जुथायै बागानपाराआव मोनसे खौरंगिरि मेल खुडो। खौरंगिरि मेलव मधु नार्जारी आरौ तिकेन बसुमतारीआ अजद दैखानाय बादिब्ला खमैबो ताम दाननि सिगांनो बि टि सिनि मार्केट एन्ड फेर बिफाना खालामनाय टेन्डार गथायनाय हाबाफारियाव बागानपारा ओन्सोलनि गुबुन गुबुन हारि-माहारिनि सुबुंफोरखौ लानानै दाजानाय सा 40 सुबुंनि गतआ सायख'जानायनि उनावनो दिनेसिमबो बिथांमोनखौ खामानि मावनायनि गनायथि होयाखै। बिथांमोनहा मिथिहोनाय बादिब्ला करनानि थासारिनि थाखाय हाथायफोरा बन्द' थानायाव एबा थाम दान बारलांनयाव सरकारि बिथोनमानि बायदियै गासैबो फोरमान बिलाड़फोरखौ रि-भेलिड खालामो। नाथाय बेनि उनावबो दासिम बिफाना खान्थिखौ सिफायनानै बयनिखुइबो खमसिन टेन्डार गथायनाय सुबुंनो सिरियै थिनायनि मोनसे खैसर खालामदों होनानै खौरंगिरि मेलआव अजद दैखाडो। बेरफारसै बावैसो सान सिगां बि टि सिनि मार्केट बर्डनि मासिगिरिआ गांसे लाइजामनि गेजेरजों मावख'यारि महैर सायख'जानाय गतखौ नेवसिगारदों होनानैबो मिथिहोयो। बे बिथिडाव ओन्सोलनि सुबुं थान्दै एबा बि टि सिनि मासिगिरिनि नारसिन्थायाव बे गासैबो बेल-बेजेया सोमजिदों होनानै दाबि खालामनानै आयदानि सायाव बि टि सि खुंथाय बा सरकारखौ नांगौ बायदियै थांखि लानो खालायहरो टेन्डारनिफ्राय जानगाराव थानांनया लाइमोनफोरा। लोगोसे एबसुनि मुं बाहायनानै माखासे सुबुंफोरा टेन्डार लागासिनो दं होनानैबो अजद दैखाडो। टेन्डारनिफ्राय जानगाराव थानांनया लाइमोनफोरा बिजिरनाय नागिरनानै बिजिरसालिसिमबो थांगोन होनानै खौरंगिरि मेलनि गेजेरजों फोरमायो।□

21 थि अल इन्डिया जोहोलाव बालिराम बर' गोसोखां जोलुर बादायलायनाया जागायबाय

बर'आ सासे बर'नि गोखों दैदेगिरिमोन। लोगोसे बिथाड दुलाराइ बर' फरायसा आफादनि बुंथिगिरि बिबानाव थानाय समावनो दुर्धानि आखायाव जिउ गोमानो गोनां जादों होनानै फोरमायो। जोहोलाव बालिराम बर'नि जिउमाखौ गोजोरथि लाखिनो थाखायनो हरिसिगा दख'रा दुलाराय बर' फरायसा आफाद आरौ हरिसिगा गेलेमु आफादआ खुंबोयै खुंबोयै देरलाय 21 थि बोसोराव आगान होफैयबाय। बे बेखेवनाय हाबाफारियाव आलासि महैर बाहागो लाफैयो उदालगुरि जिल्ला दुलाराय बर' फरायसा आफादनि आफादगिरि लहित बर' आरौ गहाइ नेहाथारि निजोम बर'आ। मोनजों लोगोसे जोहोलाव बालिराम बर'नि असे बिबानाव मनुम'ति बर'आबो बे हाबाफारियाव बाहागो लानायजों लोगोसे ओन्सोलनि माहारियारि आफादफोरनि दैदेनगिरिफोराबो बाहागो लाफादोंमोन। मख'नो गानांगोनिदि, बे जोलुर बादायलायनायखौ बेखेवना होनायनि सिगां गिबि हाबाफारि बादियो फिरफिला बिरहोयो दुलाराय बर' फरायसा आफादनि गेलेमु आफादनि आरौ मावफुं आफादनि आफादगिरि बिथांमोनहा गावबा गावनि फिरफिलाखौ बिरहोनाय जायो। बेनि उनाव नैथि हाबाफारि बादियो जोहोलाव बालिराम बर'नि मुसुखायाव बिबार बाउनाय जायो। बिबारखौ बाउजेनो बालिराम बर'नि असे बिबानाव मनम'ति बर'आ। गिबि बादायलायनायखौ भेरागव सानराइस आरौ इडेन फुटबल हानजानि गेजेराव जायो। मखबालिराम बर'नि असे बिबानवनो गोनांदि, फाइनाल बादायलायनाया फैगौ नवेम्बर दाननि 4 खालाराव जोबथा बादायलायनाया जागोन।□

बिजनीयाव आयेन बेरेखायै लाबोनाय मात्रै मोसो ...

बिजनीनि साहा फारसै थानाय हादान ओन्सोलनिफ्राय लाबोनाय मात्रै मोसोखौ बिजनीनो गोजाम बिजनीनि फोथारजों लांबाय थानाय मसावनो गरिया-मरिया देश जातिय परिपदआ हम्पो। बिजनी दख'रा गरिया-मरियानि देश जातिय परिपदनि सोद्रोमाफोरा सन्देह गोनां मोसो लाबोनायखौ लाखिनानै फोरमान लाइ दिन्थिनो खालायनायाव जेबो फोरमान लाइ दिन्थिनो हायैनि थाखाय सोलो बाहायनानै खारखुमालाडो मोसो फालांगिया। जाथायनि बागै खौरं मोनायनि उनाव पुलिसआ जाथायथिलियाव थानानै हमनो मोनाय मात्रै मोसोखौ बिजनी थानासिम लानानै फैयो।□

आलिया भाट्टआ माब्ला रणबीर कापुरनि हिन्जाव गोदान जागोन? बिमा सनी राजदानआ फिन्नाय होदों

आलिया भाट्ट आरो रणबीर कापुरआ बि टाउननि बर्यनिखुइबो किउट जराफोरनि गेजेराव मोनसे। बिसोरनि जुलिखौ लानानै माखासे समनिफ्राय नंखाय बाश्ना बानसावनाया गोसारदों। बेनि गेजेराववो आरोबाव खनसे बे जरायनि जुलिन हाबाफारिफोरखौ लानानै मोनसे आपडेटआ सोराडव फैंदों, जेराव बेखौ दाबि देखानाय जादोंदि, बे बोसोरनि फैंनो गोनां नभेम्बर दानआव रणबीर आरो आलियाआ जुलि जासिगोन। आथिखालाव आलियायनि बिमा सनी राजदाननि रिप्लेसना सोराडव फैंदों। सनी राजदानआ बलिउडलाइफजों बाश्ना सावरायनानै बुंदोंदि गाव बे




जुलिआ माब्ला जागोन बेनि सोमोन्दै मोनथिया बिबो गबुनफोर बायदि बे जुलिखौ नेनानै दड। आथिखालाव बियो मोजां खौराखौ होनानै इसारा होदोंदि, बिथानि जुलिआ माखासे समनि उनाव

जासिगोन। इयुनआव बिसोर सानैनि जुलि जागोनआ थि जादों, नाथाय बेयो माब्ला जागोन बेखौबो गाव मोनथिया। मख 'नो गोनांदि डेक्कन क्रनिकलआ गावनि सुलुंनि गथायनायजों फोरमायदोंमोनदि

आलिया आरो रणबीरआ नभेम्बरनिफ्राय लानानै जानुवारीनि सिगां माखासे साबसिन गावसोरखौ माखासे सानफोरनि थाखाय फ्रि दोन्दों। कापुरआ थाबैनो गावसोरनि जुलिखौ फोसावसिगोन।

रिपर्टआव बेखौबो दाबि देखानाय जादोंमोनदि, रणबीरआ एनिमलनि सुटि आरो शमशेरनि प्रमशन अक्टखौ फावसयनानै 2022 सिम खालामबाय। बिसोर सानैआ डिसेम्बराव जुलि जासिगोन। बे जाहोननि थाखायनो बियो गावनि बे दानखौ लांदाडै दोन्दों। आलिया भाट्ट आरो रणबीर कापुरआ 2018 निफ्राय डेट खालामदों। बावैसो समाव बिसोरनि आस्थाम सोनायनि नंखाय बाश्ना बानसावनाया सोराडव फैंदोंमोन, जायखौ सानैनिबो नख 'रनि सुबुंफोरा बोखारना होदोंमोन। फार्सेथि बिसोर सानैखो सावथुन ब्रह्मस्रआव नुनो मोनसिगोन।

समीर वानखेडेआ आर्यन खाननि अनगायै शाहरुख खाननि सायावबो नायबिजिरखांबाय



समीरआ आर्यननि सिगां शाहरुख खाननि सायावबो मोनसे नायबिजिरखांबाय। बेयो गिबि खेव नड जेराव शाहरुख खानआ समीर वानखेडेजों मोगा-मोगि जादों। माखासे बोसोर सिगां समीरआ शाहरुखनि सायाव 1.5 लाख रनिं जुरिमाना फोनांखांबाय। बे के सआ आरोबाव खनसे खौराडव फैंदों। मख 'नो गोनांदि, 2011 आव समीरआ सार्थिस टेक्स डिपार्टमेंटनि मावसुमामोन। बै समाव समीरआ मुम्बाइ एयारपर्ट कास्टम डिपार्टमेंटनि हेडमोन, जेब्ला बिन नोजोरनिफ्राय माखासे स्टरफोर बास 'थोमोन। बे समाव बिसोरनियाव गासै मोन 20 बेगफोर दडमोन। समीरआ किं काननि नख 'रनि सुबुंफोरखौ हगारहरदोंमोन, नाथाय बिखौ लाखिदोंमोन। बेनि उनाव समीरआ अभा रवेटनि थाखाय शाहरुखनि सायाव गासै 1.5 लाख रनिं जुरिमाना फोनांदोंमोन।

राधिका मदाननि माखासे बल्ड सावगारिफोरा भाइरेल जादों



दिभिनिफ्राय लानानै बलिउड सावथुनसिमाव मोजाडै दावबायनो हानाय फावखुंघि राधिका मदानआ आथिखालाव सासे मुंदांखा फावखुंघि महरै सिनायजायो। राधिकाआ सावथुन पटाखाजों बलिउडआव डेब्यु खालामदोंमोन। राधिका मदानखौ बावैसो समाव सनी कौशलजों लोगोसे सावथुन सिद्धतआव नुनो मोन्दों। सावथुनाव बिसोर सानैनि केमिस्ट्रीआ लाख लाख फेन्सफोरनि गोसोखौ देरहादों। राधिकाया एक्टिजों लोगोसे ससियेल मिडियाआवबो गोबां एक्टिभ थायो। बियो सम सम गावनि हट एन्ड बल्ड सावगारिफोर आरो भिडियखौ पस्ट खालामनानै खौराडव थायो। फार्सेथि गोबां खेव राधिकाया गावनि ड्रेसिं सेन्सनि जाहोनाव टूलबो खालामलायो। बेनि गेजेराववो आथिखालाव आरोबाव खनसे राधिकायनि गोदान सावगारिफोरा ससियेल मिडियाआव भाइरेल जादों। बे सावगारिफोरा बल्ड लुकखौ नुनानै फेन्सफोरा आरोबाव गोमोदों। रजाखा 'नि फावखुंघि राधिका मदानआ गावनि मावख 'आरि सावगारिफोरखौ पस्ट खालामदों। बे सावगारिफोराव बिखौ गोबां बल्ड लुकआव नुनो मोन्दों। सावगारिफोराव राधिकाया गोसोम आरो गल्डेन गावनि बिकिनी गानानै फटसुट खालामजादों। नाथाय बिन बे फटसुटनि बेकग्राउन्डआ गोबां आलादा। राधिकाया बे फटसुटखौ आलमारियाव जिययनानै खालामजादों। बे समाव बिन कातिलाना पञ्जा फेन्सफोरखौ गोसो बोरोहोदों। मख 'नो गोनांदि, बावैसो समाव राधिकाया गावनि सावथुन शिद्ध 'नि प्रमशनखौ लानानै खौराडव थादोंमोन। बिन खौराडव फेनायनि बर्यनिखुइबो देरसिन जाहोना प्रमशननि समाव गानाय बिन आउटफिटमोन। गावनि आउटफिटखौ लानानै बियो गोबां टूल खालामजादोंमोन। उनाव राधिकाया मोनसे इन्टरभउआव टूलारफोरखौ गोखौ फिन्नाय होदोंमोन।

गाहाम देहानि राहा लेबु आरो गुरजों बानायनाय ड्रिंकआ मेजेम बाडइ खालामो

करना महामारिनि बे समाव बयबो लिरथाय बांनयजों भुगिनांगसिनो दड। आथिखालाव जेनानि बाश्नाया बेबोदि, आथिखालावआव जिम एबा यगा क्लासनि मददबो लानो हाया आरो पार्क एबा बबेबा जायगायाव थानानै एक्सरसाइजबो खालामोनो हाया। दासान्दि, बर्यनिखुइ रैखाथि गोनां जायगाया नोंथानि न', जेराव नोंथाड नेमखाथि बादियै यगा एबा काडिय एक्सरसाइज खालामोनो हायो। बेराफार्से माखासे एरैबादि सुबुंफोर दड, जायफोरा सानफ्रोमबो पार्कआव आरो मोजां डाइटनि अनगायैबो लिरथायखौ खम खालामनायाव नोंथावदों। जुदि नोंथाडबो लिरथायखौ खमनायो थाखाय गोबां ट्राइ खालामखांबाय। नाथाय अब्लाबो मेजेमखौ खमनायो हायाखेब्ला बे आर्टिकेलआ नोंथानि थाखाय खामानिआव होगोन। बे थांखिखौ गोले खालामोनो थाखाय मोनसे एरैबादि ड्रिंक आजावनानै लानो हायो, जायजों लिरथायखौ



खमायहोनायाव गोबां मदद मोनगोन। बे ड्रिंकआ बर्यनिखुइ जर'खा आरो गोनांथि जानाय मुवाफोर गुड आरो लेबु। बे मोननैबो बेसादफोरखौ साफ्रोम भारतयारिफोरनि ऑंखाम संग्रायाववो गोलेयै मोन्तो हागोन। गुड आरो लेबुआव एरैबादि देरहोग्रा-लावहोग्रा गुणफोर थायो, जाय माखासे मुलाम्फा होयो। जानायनि उनाव डाइटआव गुड जाफायोब्ला मेटबलिजिमआ बाययो, जायजों उदैयाव जमा जानानै थानाय फेटआ खम जायो। लोगोसे लेबु बिदैयाबो बिगुरनि थाखाय बान्जायजाथाव महरै फोरमान जायो। लेबुआ डिटाक्स खालामनायनि खामानि मावो, बेखौ जानायजों देहायाव थानाय गात्रि बेसादफोरा बाइजोआव ऑंखारलाडो आरो लिरथायाबो खमायलाडो। बेनिखायनो लेबुनि बिदै आरो गुडखौ गलायनानै मोनसे ड्रिंक थियारि खालामनानै लोंनांगौ। बेजों देहानि थाखाय गोनां जानाय भिटागिन-सिखौ मोनो। लोगोसे दैनि आखालआबो आबुं जायो। बेयाव जिंक आरो एन्टि अक्सिडेन्टनि गुणबो मोनो। बेखौ लोंनायजों दोगोन तन्त्रखौबो गोखौ खालामो।

करण कुन्द्रानि बिबुंथिनि उनाव एक्स गार्लफ्रेंड अनुषा पान्डेकरनि पस्टआ खौराडव फैंदों

बिग बस 15 नि बुधवारनि एपिसडआव करण कुन्द्राआ शमिता शेट्टिजों गावनि एक्स गार्लफ्रेंड अनुषा दान्डेकरखौ लानानै बाश्ना सावरायदों आरो गावसोर सानो ब्रेकआव जायामोन। बेनि सोमोन्दै फोमायदों। करणनि बाश्ना फोरमायनायनि उनाव आथिखालाव टिभि पर्सनलिटि आरो अनुषाआ गावनि इन्स्टग्राम स्टरीजों मोनसे पस्ट सेयार खालामदों। जेराव बियो लिरदोंदि, मोजां मोनग्राया दावराव दावसिखौ बुजियो। अनुषाया गावनि इन्स्टग्राम स्टरीजों जाय पस्टखौ सेयार खालामदों, बेवहाय लिरदोंदि माखासे सुबुंफोरा नोंखौ मोजां मोनो, माखासे मोजां मोनाया नोंनि खाथि खालायाव थानो थाखाय जायो आरो माखासे मोजां मोनाया नों बिन थाखाय मा खालामोनो हायो बेनि थाखाय



जायो। बेनि फारागथिखौ जुजिनगौ। जोबथा लाइनआव बियो लिरदों मोजां मोनग्राया दावराव-दावसिखौ बुजियो। अनुषा दान्डेकरनि पस्टआ कंगाननि बिबुंथिनि उनाव फैंदों। बेनिखायनो बेखौ सन्देह खालामनाय जादोंदि, बियो बे पस्टखौ करणनि थाखाय लिरदों। आथिखालाव अनुषाया गावनि पस्टआव जेरावबो करणनि मुंखौ लायाखै। टिभिनि मुलुगआव मोनसे सुबुंफोरा अनुषा दान्डेकर आरो करण कुन्द्रानि मोजां मोनलायनायखौ

सावरायोमोन। बिसोरनि मोजां मोननायनाय रिप्लेसि 'श्व' लाभ स्कुलनि समाव जागायदोंमोन। बे स्वखौ बिसोर सानैआ लोगोसेयै हस्ट खालामनानै सुबुंफोरनो मोजां मोनलायनायनि आखुखौ फोरडेमोन। नाथाय बिसोरनि बे लाभ स्टरीआ बांद्राय सान सोलियाखै आरो बिसोर सानैया ब्रेकआव जादों। बिसोरो 3 बोसोरसिम डेट खालामदोंमोन। ब्रेकआव जानायनि उनाव अनुषाया करणनि सायाव थगायनायनि दाय जाबसिन्दोंमोन।

तडपनि ट्रेलारआ रिलिस जाबाय, सुनिल शेड्विनि फिसाज्लानि एक्सनखौ नुनो मोनगोन



आथिखालाव बलिउडनि माखासे गिदिर सावथुनफोर खौराडव थादों। माखासे सावथुनफोरनि सुटिआ सोलिलदोंब्ला माखासेआ रिलिसनि थाखाय थियारि जादों। फार्सेथि बावैसो समाव सुनिल शेड्विनि फिसाज्ला गहान शेड्वि आरो फावखुंघि तारा सुतारियायनि मस्ट अवेटेड सावथुन तडपआ दोहों गोनाडै खौराडव थादों। बे सावथुननि ट्रेलारखौ बावैसो समाव रिलिस खालामनाय जादों। जेराव रमान्दिक ड्रामाजों लोगोसे मोजां

एक्सन सिनफोरखोबो नुनो मोन्दों। बे ट्रेलारखौ ससियेल मिडियाआव गोबां मोजां मोननाय जादों। बे ट्रेलारआव अहाननि मोनै फेजखौ नुनो मोन्दों, गिबियाव रमान्दिक आरो नैथिलाइ इन्टेन्स एक्सनखौ नुदों। बे ट्रेलारआव माखासे मोजां एक्सन सिनफोर दं, जायखौ अहानआ मोजाडै दिन्थिदों। बे सावथुनआ तेलेगु ब्लग बस्टर आरएक्स100 नि मावख 'आरि दिन्दि रिमेक आरो बियो सिनेमाहलफोर रिलिस जानो गोनां गिबि गिदिर

केनबास रमान्दिक ड्रामा जागोन। मिलन लुथरियायनि गेजेरजों बिथोन होनाय, अहान शेड्वि आरो सुतारियायनि फाव खालामनाय बे रमान्दिक एक्सन ड्रामाया लाइमोन स्टरफोरनि गेजेराव इलेक्ट्रिक केमिस्ट्रीजों बुंफबनाय। सावथुननि सोमोन्दै बाश्ना सावरायनानै बिथोनगिरि मिलन लुथरियाया बुंदों तडपआ मोनसे डार्क लाभ स्टरी। मख 'नो गोनांदि, बे सावथुनआ 3 डिसेम्बर 2021 आव सिनेमाहलफोराव रिलिस जागोन।

बार्सिलना हान्जानि आफादगिरि जआन लाफरटाआ कच रनाल्ड कमेनखौ बिबाननिफ्राय बोख्लायबाय

बार्सिलना, 28 अक्टूबर: थानाय माखासे मेचफोराव कच रनाल्ड कमेन दैदेनाय बार्सिलना हान्जाया गात्रि रोखोमै जेन्दों। रबिबारखालि गेलेनाय क्लासिक 'नि मोनसे मेचआव बार्सिलनाया 2-1 गलआव रिसेल माद्रिदिनि आखाइयाव जेन्दोंमोन, जायनि जाहोनाव बार्सिलना हान्जानि आफादगिरि कच रनाल्ड कमेनखौ बिबाननिफ्राय बोख्लाययो। मख 'जाथावदि, लियनेल मेसिआ बार्सिलना हान्जानिफ्राय जानगारलानायनि उनाव बार्सिलना हान्जानि लोरबांथिखौ नुनो मोन्दों, जेराव ला लीगानि आरो सेम्पियन लीगनि माखासे मेचफोराव गात्रियै जेन्दों। हान्जानि लोरबां गेलेनायनि आन्दोआव कच रनाल्ड कमेनजों लोगोसे माखासे सुबुंफोरनिबो गोरोन्थि थानो



हागौ होनानै केप्टेन साजिय बसकुइटआ फोरमायो। सिजननि गिबि मेचआव जागायनायनिफ्रायनो कच रनाल्ड कमेनआ बिबाननिफ्राय बोख्लायजानाय थासारिआव दडमोन, जेराव बे दैदेनाय हान्जाया गोबां मेचफोराव जेन्दोंमोन। कमेनआ गावनि दैदेनाय हान्जाखौ स्पेसिन ला लीगानि बादायलायनायाव 10 मेचआव 15 पइन्ट लानानै 9 थि मासि आवग्रिनो हादों। रनाल्ड

कमेननि दैदेनायाव बार्सिलनाया सोलिफु सिजनआव खेव 5 मेचआव देरहासाद आरो खेव 3 मेचआव गेलेनायजों लोगोसे सेम्पियन लीगनि माखासे मेचफोराव जेन्दों। थानाय बोसोरनि सेम्पियन लीग बादायलायनायाव बार्सिलना हान्जाया 8-2 स्करआव बेयान मिडनिकनि आखाइयाव जेनायनि उनाव रनाल्ड कमेनआ बार्सिलना हान्जानि कच जादोंमोन। रनाल्ड कमेननि दैदेनायाव बार्सिलना हान्जाया 15 दानआव मोन 67 मेच गेलेदों, बेनिनो मोन 39 मेचआव देरहानो हादों, मोन 16 मेचआव जेन्नो गोनां जादों आरो मोन 12 मेचआव डू' गेलेदोंमोन। थानाय सिजननि स्पेसिन लीग बादायलायनायनि जोबथा मेचसिमआव बार्सिलनाया थामथि मासि आवग्रिनो हादोंमोन आरो सेम्पियन लीगनि बादायलायनायाव क्वार्टर फाइनाल मेचखौ पिएसजनि आखाइयाव जेन्नो गोनां जादोंमोन।

पाकिस्तानाव हिंसायारि जाथाय, सा 4 पुलिस मावसुमाफोरजों लोगोसे सा 8 जिउख हा जायो

इस्लामाबाद, 28 अक्टुबर : पाकिस्तानि पान्जाब राइज्योआव हाथियार दैग्रा इस्लामिक पार्टिनि हेफाजाबगिरफोर आरो पुलिसनि गेजेराव बुधबारखालि जालानाय दाडा-बाजियाव दावराव दावसियाव पुलिसफोरजों लोगोसे गासै सा 8 जिउ गोमायो। बे दावराव दावसिया बांबोनायखौ नोजोर होनानै इमरान खाननि सरकारा बे राइज्योआव पाकिस्तानी रेन्जासखौ थिसनो। पाकिस्ताननि नखर मन्थि श्रेख शरीद एहमदआ बुंदोदि, पान्जाब दुहाव थासाखिखौ नोजोर होनानै आयेन राहाखौ लाजिनांनो थाखाय 2 दाननि थाखाय रेन्जासनि हान्जाखौ थिसन्याय जादों। तहरीक-ए-लब्बेक पाकिस्तान (टिएलपि)नि हेफाजाबगिरफोरि पार्टिनि गाहाय साद रिजबोखौ रेहाय होनांगो आरो फ्रान्सनि थान्दैखौ बिबाननिफ्राय फोख्खानांगोनो दाबि देखदों। होबथा जानाय टिएलपिनि सा 10,000 निबो बांसिन हेफाजाबगिरफोरि थानाय सान 3 सिगांनिफ्रायनो जिटि लामायाव मुरिदके आरो गुजरबालानि गेजेराव थुबुर जानानै धर्ना खालामदोंमोन। सरकारा बिसोरनि दाबि देखानायखौ नेवसिगारनायनि उनाव बुधबाराव बिसोरा इस्लामाबादनि फार्से हान्जा



सुरबोना धर्ना खालामदोंमोन, जेराव धर्ना होग्राफोर आरो पुलिसनि गेजेराव लाहरनिफ्राय 50 किल 'मिटर गोजानाव थानाय सघके ओन्सोलाव दान्थे-बिदान्थे जासायनायनि उनाव दाइन बाजि जालायो। फ्रान्सआव पंगाम्बर महम्मदनि कार्टुन बानायना दिन्थिनयनि उनाव टिएलपिनि हेफाजाबगिरफोरि थानाय एप्रिल दानाव हेंथा धर्ना होनानै फ्रान्सनि थान्दैखौ बिबाननिफ्राय बोख्खानायनो आरो फ्रान्सनि मुवा-बेसादफोर हादतआव लाबोनायखौ होबथानो दाबि देखदोंमोन। जायनि उनाव पान्जाब सरकारआ एमपिअखौ सोलिहोनलांबाय थानायनि गेजेरजों पार्टिनि गायसनगिरि सोर्गोयारि रिजाबो स्वादिन फिसाज्ता साद रिजाबोखौ जिम्मायाव लादोंमोन। पुलिसनि

सासे गागि बिबानगिरि बुंदों, जेब्ला पिएलपिनि मावफारियाफोरा साधकआव सहैयो अब्ला पुलिसफोरा गोख्खेनो बिसोरखौ होबथायो आरो बेयाव पुलिसफोर आरो मावफारियाफोरनि गेजेराव दाडा बाजि जादोंमोन। थासाखिखौ सामलायनो थाखाय पुलिसआ टिआर गेसबो हगारना होयो। बे दाडा-बाजियाव पुलिसफोरजों लोगोसे दर्जन टिएलपि मावसुमाफोरखौ जोखोम जायो। बे जाथायनि उनाव माखासे ओन्सोलफोरव इन्टरनेटखौ बन्द खालामना होनायबो जादों। पान्जाबनि पुलिस इन्सपेक्टर शब सरदार आली खानआ खौरगिरफोरनि सिगाडव बुडोदि, बे धर्ना होनायाव होबथाजानाय फसंथाननि मावफारियाफोरा रेखाथि हान्जानि सायाव गुलि गावनायाव साब्रे 4 पुलिसफोरा

जिउ गोमायो आरो सा 263 गुबुन सुबुंफोर जोखोम जायो। टिएलपिनि आफादगिरि ब्रेइस्माइलआ फोरमायनाय बायदिब्ला, पुलिसनि गुलिजों पार्टिनि सा 4 मावफारिफोरनि जिउ गोमादों। बिथाड सरकारनो सांग्रांथि होनानै बुंदोदि, टिएलपिनि मावफारिफोर गाव-गावनि जिउखौ बावगोन नाथाय दाबि देखानायनिफ्राय उनफिनाय नडा।

फैगौ गोबां बोसोरसिम बिजेपिआ गोजोरै थागोन : प्रशान्त किशर

पाणाजी, 28 अक्टुबर : भारतनि राजखान्थियाव फैगौ गोनां गोबां बोसोरफोरसिम बिजेपिआनो थागोन आरो मदिनि खुंथाय खुंनाया जोबथागोनखौ नेनां थानाया राहुल गान्थोनि गोरोन्थि होनानै बिसायख 'थि सोलोयारि खान्थिगिरि प्रशान्त किशरआ बुंदों। बावैसो सिगांआव किशरआ गवायाव दावबाय हैदोंमोन जेराव बिथाड रोखायै बुंदोंदि गावनि बादिब्ला, फैगौ गोबां बोसोरसिम बिजेपिजों जुजिनांगोन। सुलुंनि बादिब्ला प्रशान्त किशरआ आथिखालाव सोनाब बंगनि गिबि मन्थि ममता बेनार्जीनि थाखाय आन्दोआव थानानै खामानि मावगासिनो। अदेबानि बिथाड गावनि टिएमसिजों हेफाजाब होनायखौ नेवसिगारो। गवानि म्युजिजामअवा खुंनाय मोनसे हाबाफारिया सुशान्त किशरआ बुंदों, बिजेपिआ देहायोब्लाबो एबा जेनोब्लाबो भारतीय



राजखान्थिनि मिरुआव थागोन जैरे कंग्रेसआ 40 बोसोर दंमोन। बिजेपिआ एसेबां थाबैनो जेनाय नडा। बेनिखायनो सुबुंफोर रगा जोंखोबाय आरो बिसोरो मदिखौ नेवसिगारसिगोन होना गोरोन्थि सानायखौ दाला। सिगां फार्से प्रशान्त किशरआ बुंदोदि, राहुलनि माखासे समल' दैसै जेब्लासिम सुबुंफोर मदिखौ खुंथायनिफ्राय बोख्लया अब्लासिम बेयो जानाय नडा होनानै सान्नायानो बेनि गोरोन्थि। जेब्लासिम राहुलआ मदिनि गोहोखौ जुजिनो हाया आरो बिन गोख्खोथिखौ मानिना लाया अब्लासिम बियो मदिजों

जुजिनो हानाय नडा। सुबुंफोर मदिनि गोहोखौ बुजिनो गोबाव सम लायाखै आरो राहुलआ बेखौ बुजिनो हायाखैदि मदिआ एसेबां मुंदांखा जानो हमदों। जुदि बेखौ मिथिया अब्लासिम बियो मदिजों जुजिनो हाया होनानै किशरआ बुडो। कंग्रेसआ बिजेपि आरो मदिनि इयुनखौ लानानै माबादि नोजोर होयो बेखौ लानानै किशरआ बुडोदि कंग्रेसनि जायखि जाया दैदेनगिरिनियाव सोंआमानो बिसोर बुंगोन माखासे समलसै, सुबुंफोरा आं गायहां बाय खुंथायनि बेरेखा दोहौ फैगोन

आरो सुबुंफोरा मदिखौ नेवसिगोन। बेबादि जानाय नडा होनानै सन्देह खालामदों किशआ। बेनि बिदिन्थि होनानै बियो बुडोदि, मदि सरकारा पेट्रुल, डिजेलेनि बेसेनफोरखौ एसेबां बायबोबाय थादों आरो बेनि हेंथायै नोगोरारिफोरा जेबो गिदिर रागा जोंनायखौ दिन्थियाखै। हादतनि भट होग्राफोरनि भट होनायनि सायाव किशरआ बुडोदि, गासै भट होग्राफोरनि थाम बाहागोनि से बाहागोआ बिजेपिनो भट होयो एबा बिजेपिखौ हेफाजाब खालामो। फार्सेथि थाम बाहागोनि नै बाहागोखौ मोन 10,12 एबा 15 राजखान्थियारि हान्जाफोरनि गेजेराव गावश्रालनाय आरो बेखौ कंग्रेसनि जेन्नायनि गिदिर जाहोन। 65 जौखोन्दो भट होग्राफोरनो गोबां पार्टियाव गावसालायनाय बाउनाय जाउनाव कंग्रेसआ खम बिबानि भट मोनानै जेनाडो।

करनानि मुडाव ब्रिटेइनआव 37 आरब पाउन्ड खहा जादों, संसदनि सोद्रोमाफोरा रिपर्ट फोसावयो

गोदान दिल्ली, 28 अक्टुबर : ब्रिटिस संसदनि सोद्रोमाफोरनि गेजेरजों करनानि सायाव थियारि खालामनाय मोनसे जेना गोनां रिपर्टनि बायदिब्ला, सरकारा मोनसे यजनानि सायाव गासै 37 आरब पाउन्ड (गासै 27 लाख रं) होदों। नाथाय बेनि जेबो जर'खा मुलाम्फा मोनाखै। रिपर्टनि बायदिब्ला, थानाय बोसोराव करनाखौ होबथानो थाखाय जागायनाय ट्रेसिं आरो टेस्टिं यजनायाव गोबां रं'खा जादों आरो सरसन्ना सुबुंफोर माखासे जर'खा मुलाम्फाखौ मोनाखै। हाउस अफ कमन्सनि लक लेख कमिटीनि आफादगिरिआ बेनि थाखाय सरकार आरो बे हाबाफारिनि सायाव नोजोर खोख्लैदों। बेनि गेजेरजों कमिटीआ बिसोरनाव महामारिनिफ्राय बाराग'नायनि जेबो बिथांखि गैयामोन होनानै दाय जाबसिनो। बेरेखा दोलो लेबर पार्टिनि गेग हिलियारआ फोरमायनाय बायदिब्ला सुबुंफोरनो जाय खोथाखौ होदों



बेनि सायाव खामानि मावयाखै। मख'नो गोनांदि, थानाय बोसोराव जेब्ला

महामारिया गोसरो अब्ला ब्रिटेनआ गोदान केसफोरनि टेस्टिं आरो इनफेक्सन जानाय

सुबुंफोरखौ मिथिनो थाखाय गोबां अन्जिमानि हाबाफारि जागायनो नाजायो। नाथाय थाबैनो करनाया गोसरो आरो गासै इर'थानो रुसनि उनाव ब्रिटेइनआव बयनिखुइ बांसिन थैयो। एमपिफोरनि रिपर्टआव बुंनाय बायदिब्ला हार्डिग आरो सरकारा हादतनि माहारियारि सावसि सिबिथायनि थाखानाय नेटवार्कनि अनगायै बाइजोयारि बेसेन गोसा बिल फालांगिपोरनि सायाव फोथायो। सरकारा हाबाफारियाव होनाय सिबिथायफोरखौ लांन्थियै

सोलायो। बे बायदियाव सरकारनि बिथांखिफोर आबुडै जाकुंसारनो हायाखै। बेबायदिनो करनाखौ फोजोबनायनि गाहाय थांखिखौबो आबुं खालामनो हायाखै। बेराफार्से ब्रिटिस सरकार हादतनि टेस्टिं प्रग्रामखौ गासै इर'पयावनो बयनिखुइ साबसिन होना रैखा खालामनो नाजादों। इडके हेल्थ सिक्किउरिटि एजेन्सिनि जेनी हेरिसआ बिसोर सानफोमबो सुबुंफोरनि जिउखौ रैखा खालामो आरो करनाजों दावहा नांनयाव मदत खालामो होनानै फोरमायदों।

इन्टिगेटेड बिएड कर्सखौ मिरु सरकारा गनायथि होबाय

गोदान दिल्ली, 28 अक्टुबर : फरायसालिनि सोल्लोथाइनि गुदिबिथाजों लोगोसे मिरु सरकारआ फोरोंगिरिफोरजों सोल्लोथाय एबा बिएडआव गिदिर सोलायनाय लाबोने थांखि लादों। बेनि गेजेरजों 4 बोसोरनि इन्टिगेटेड बिएड कर्सखौ गनायथि होबाय। बियो फैगौ बोसोरनि सोल्लोथाय सेसननिफ्राय जागायगोन, जेराव जायखिजाया फरायसाया 12 थि थाखोखौ पास जानायनि उनावनो एडमिसन लानो हागोन। आथिखालनि गोदान कर्सआव बिएड, बिएससि-बिएड आरो बिकम, बिएडआबो दंफायो।

मख'जाथावदि 2030 निफ्राय फरायसालिफोराव खालि 4 बोसोरनि इन्टिगेटेड बिएड कर्स लानाय फोरोंगिरिफोरखौल थिसन्याय होनाय जागोन। एनसिटिइआ 4 बोसोरनि इन्टिगेटेड टिसार एजुकेसन प्रग्राम (आइटिडिपि) जों लोब्बा थानाय नटिभिकेसनखौ फोसावना होबाय। अदेबानि बे कर्सखौ गिबियै हादतनि गं 50 सोल्लोथाय फसंथानफोरवल' जागायनाय जागोन आरो उनाव गुबुनफोरावबो थिसन्याय जागोन। मख'जाथावदि, बे कर्सखौ लानानै फोरोंगिरि जानायनि सिगां सुजुनाय

फरायसाफोरा सोल्लोथायखौ खालि 4 बोसोराव फुरा जानायजों लोगोसे बिसोरो मोन्ने डिग्रीबो मोनगोन। आथिखालाव फोरोंगिरि जानो थाखाय 3 बोसोर ग्रेजुएसन आरो 2 बोसोर बिएडनि कर्स फरायनांगो जायो आरो बेफोराव गासै 5 बोसोर नांगो जायो। नाथाय बे गोदान कर्सजों ब्रे बोसोरनो बिए आरो बिएड मोन्ने डिग्रीखौ मोनगोन आरो से बोसोर समआ रेहाय जागोन। अदेबानि बे कर्सआव एडमिसनखौ एनटिएनि गेजेरजोंनो खालामनो हागोन।

ताइवानआव आमेरिकानि सान्थिफोरा ट्रेनिं लागासिनो दं : ताइवान हादतगिरि

ताइपे, 28 अक्टुबर : ताइवान आरो चीननि गेजेराव हाखौ लानानै गोबां दावराव-दावसि सोलिगासिनो दड आरो आमेरिकाखौ उदाडै मोनफ्रोम थांखियाववनो ताइवानजों लोगोसे गसंफानायखौ नुनो मोन्दों। बेनि गेजेरजों बेयो चीननि थाखाय मोनसे गिदिर बादावखानाय जागोन होना मोनसे गिदिर खोराडा नुजाथियो। हादतगिरि ई-पेनआ मिथि होनाय बायदिब्ला, बिसोरनि हादतआव आमेरिकानि सान्थिफोरा दड। ताइवाननि सान्थिफोरा लोगोसे ट्रेनिनि थाखाय ताइवानआव आमेरिकानि सान्थिफोरखौ थिसन्याय जादों। आथिखालाव बिसोरनि अन्जिमाखौ खम होना फोरमायनाय जादों।



सुलुंनि बायदिब्ला ताइवानखौ चीनआ गावसोरनि सान्ना लायो। ताइवान आरो चीननि गेजेराव जेनाया बावयैसो सप्ताहयाव बेइजिनि गेजेरजों

सान्थियारि आरो राजखान्थियारि नारसिन्याय बांनयनि जाहोनाव बाडो। बेरफार्से रायटरजों लोगोसे माखासे ताइवान आरो

हारिमायारि मिडिया आउटलेटसआ सिगाडवनो आमेरिकानि सान्थिफोरजों लोगोसे बेबायदि ट्रेनिं होनायनि खौरं होदोंमोन।

हारियाणाआव गंसे ट्रकआ आबादारि सोमावसारनायाव बाहागो लानाय सा 3 आइजोफोरखौ होंखेमो

हारियाणा, 28 अक्टुबर : हारियाणानि झज्जर जिल्लायाव दिने फुड मोनसे गिदिर जाथाय जायो। झज्जर जिल्लानि बहादुर गडआव दिने फुडव गोख्खेथिजों फेनाय ट्रकआ सोमावसारणा आबादारि आइजोफोरखौ होखेमो, जेराव सा 3 सुबुंफोर थैयो आरो सा 3 आ गोब्राबै जोखोम जायो। सुलुंनि बायदिब्ला, सा 3 थैनाय सोमावसारणा आइजोफोरा पान्जाबनि मानसा जिल्लानिमोन आरो बिसोर सोमावसारनायनिफ्राय न'आव फैफिबाय थादोंमोन। बे



आइजोफोरा फुंनि 6 रिगायाव बहादुरगडआव दिभाइडरआव जिरायनानै न'याव थानो अट नेबाय थादोंमोन। बै समावनो गोख्खैयै फेनाय ट्रकआ होखेमो, जेराव सा 3 बैसो गोर आबादारि आइजोफोरा थैयो आरो

माखासेया जोखोम जायो। बे जाथायनि उनाव ट्रकनि झइभार खारो। आथिखालाव पुलिसआ जाथाइ जानाय जायगायाव थानानै नायबजिसासिनो दड। मख'नो

गोनांदि, मोनथाम आबादारि आयेनफोरनि हेंथायै थानाय बोसोरनि नभेम्बरनिफ्रायनो दिल्लीनि सिमनाफोरनिफ्राय लानानै पान्जाब आरो हारियाणासिम आबादारिफोरनि सोमावसारनाया सोलिगासिनो दड। बे आबादारिफोरा थानाय बोसोरसेनिफ्रायनो आबादारि आयेनफोरखौ बोखाना लाफिन्नो थाखाय आलादा आलादा जायगाफोरव थाबोदों। मिथिनो मोन्याय बायदिब्ला आबादारि सोमावसारनायाव स्टेसन बायदिथै सोमावसारणाफोरा बाहागो लायो।

आकुजेनआ कभेक्सिननि किलनिकेल ट्रायेलनि थाखाय आर'ज गाबो

हाइद्राबाद, 28 अक्टुबर : कभेक्सिनखौ करना टिकानि इमारजेन्सिनि बाहायनायनि फारिलयाव मोनो थाखाय भारत बायटेकनिफ्राय खौरं बियो। आमेरिकानि फर्मनि गेजेरजों फोसावनाय मोनसे प्रेस फोसावदिनि बायदिब्ला, आमेरिकानि मुलि बिफानआ थानाय जुन दानाव आकुजेनो इमारजेन्सि बाहायनो गनायथिनि लामाखौ आजावना लानो बोसोन होदोंमोन। बे नायबजिसरायखौ औरैबायदि

सुबुंफोरनि सायाव खालामनो हागोन, जायफोरा करनानि टिकाखौ लायाखै एबा जायफोर आमेरिकायाव खमैब्लाबो 6 दाननि गेजेराव एमसारएनस टिकानि मोन्ने डूपखौ थुजाबाय। बेनि सोमोन्दै हुआ थानाय बुधवारखालि बुडोदि, बे सप्ताहनि जोबथासिमाव भारत बायटेकनिफ्राय करनानि टिका कभेक्सिननि सायाव रोखा खौरं मोन्नो हागौ आरो बेखौ इमारजेन्सियै बाहायनो फारिलाइ

खालामनो थाखाय जोबथा गनायथि होनायखौ लानानै 3 नभेम्बरव जथुमा जागोन। हुआ टिउअटआ फोरमायनाय बायदिब्ला, टेकिनकेल एडभारजारि ग्रुप फर इमारजेन्सि इजज लिस्टआ मोनसे उदांसि मोन्याय बोसोनगिरि आफाद जाय हुनक्व बबेबा करना भेक्सिनखौ इमारजेन्सि बाहायनो थाखाय फारिलाइ खालामनो हायो ना हाया बेखौ आर'ज गाबो।

निरज चप्राजों लोगोसे सा 11 गेलेगिरिफोरस मेजर ध्यानचान्द खेल रत्न बान्थानि थाखाय सायख 'जाबाय

गोदान दिल्ली, 28 अक्टूबर: टर्किय अलिम्पिकआव गल्ड मेडल देरहानो हानाय जेबलिन खुबैग्रा निरज चप्रा आगे सिल्भार मेडलस्ट खमलायगिरि रवि दहियाजों लोगोसे सा 11 गेलेगिरिफोरस हारदरनि जौसिन माननि गेलेमु बान्था मेजर ध्यान चान्द खेल रत्न बान्थानि थाखाय

सायख 'जाबाय। क्रिकेटर शिखर धावनजों लोगोसे सा 35 गेलेगिरिफोरा अर्जुन बान्थानि थाखाय सायख 'जादा। माहारियारि गेलेमु बान्थाखौ बोसोरफोमबो 29 आगस्टआव मेजर ध्यानचान्दनि जोनोम सानजों लोब्बा लाखिनाने होनाय जाबोदोंब्लाबो सोलिफु

बोसोरव माखासे साननि गेजेरवनो टर्किय अलिम्पिक आगे अलिफि जानायनि जाउनाव बान्था रान्नायखौ फावसायनाय जादों। खेल रत्न बान्थानि थाखाय सायख 'जानाय गेलेगिरिफोरनि सारिआव निरज चप्रा आगे रवि दहियानि अनगायैबो हकी गल

किपार पिआर श्रीजेश, फुटबल केप्टेन सुनिल छेत्रि, आइजो क्रिकेटर मितालि राज, आइजो बक्सार लाबलिना बरगहाइ, पेरा बेडमिन्टन गेलेगिरि प्रमद भागत, सुमित अन्तिल, अबनि लेखर, कृष्णा नागर आगे मनिष नखालनि मुखबो दडा।



भारतनि बिसायख 'थि आयग
http://eci.gov.in/

भटखौ होनायनि सिगां नोंथांनि बिजाथिखौ मिथिनानै ला



सोलोंथाइ, खामानि
रौंगीथि,
सम्पथिफोर/दाहार
आरो
दाय गोर्ना मामलानि
फोरमायथि
(जुदि दड'ब्ला)



गासेखौबो नायनो थाखाय
भटार मबाइल हेल्पलाइन
मबाइल एप
डाउनलड खालामनो किर आर क'डबो स्केन खालाम



गासे मिथिनानयनि थाखाय वेयाव
www.affidavit.eci.gov.in
CEOs'/DEOs' website

मोजाडै नायबिजिनानै सायख!

हेल्पलाइन 1950

रावबो भरालानो जाहाथे थालाडा

@ECI @ECISVEEP @ECISVEEP



नायदिनाय सांग्रांथि सप्ताह-2021

26 अक्टूबर- 01 नभेम्बर



आसाम सरकार

हामलायथि हरनाय

दिसपुर

19 काति, 1428 भास्कराड्ड
27 अक्टूबर, 2021 इ

'उदांश्रीनि 75 बोसोर-सैथोजों गावखौ फोथायनाय' बे गाहाय बोसोनजों मिरुआरि नायदिनाय आयगआ 26 अक्टूबरनिफ्राय 1 नभेम्बरसिम नायदिनाय सप्ताह खुंफुंनो लानाय जादों होन्ना मिथिनो मोन्नानै गोजोन्नाय मोन्दों। सोरजिनानयजों फोसावनाय हाबाफारिजों मिरुआरि नायदिनाय आयगआ बे हाबाफारियाव नांजाबफा मोनफ्रोमबो दालाइजों बाहागो लानायखौ थि खालामनो थाखाय आजावना लानाय नाजानाय सन्देह' गैयालासे बाखायजाथाव।

गेनाखान्थिआ जौनि रांखान्थि-समाजआरि बिथाफोरनि फारसे गोहोम खोख्खैहोनायजों लोगोसे समाज राहाखौ नोरजिया खालामदों। जौनि समाज राहाखौ गोगो आगे थार खालामनो थाखाय जौनि राइज्योयारि जिउजों लोगोसे गावआरि जिउआवबो गेनाखान्थिनि हेंथायै जों दावहा फोसावनांगोन। मान गोनां गाहाय मन्थि मसि नरेन्द्र मदिआ डिजिटेल भारत हाबाफारिनि सुजुनायजों सरकारनि मोनफ्रोमबो खामानि-दामानियाव फोरमान बिरोंदामिननि गेवलां बाहायनायजों खुंथायनि साखोन-सिखोन गोगो आगे बिबान गोनांखौ थि खालामनयजों लोगोसे गेनाखान्थिनि गाहाय बाहागो महै देहायारि आखाइ होनायनि गोनांथिआ गोबाडै जानगाराव थाहोदों। मान गोनां गाहाय मन्थिनि आदर्शजों उनसंनानै राइज्यो सरकाराबो गेनाखान्थिनि हेंथायै लाथिख' सहायनाय नेमखान्थि आजावबोदों। सरकारनि बावैसो थारिख लानायफोराव बे बाश्राया बांसिनथारै रोखा महराव मिथिजादों। बे दावहा नाजानाय इयुननि सनफोरावबो लान्थियै लानानै मोनसे गोगो खुंथाय राहा सोरजिनानयनि थाखाय जोडे बिबानाव दं।

मोनसे सानफ्रोमबो सांग्रांथि आगे जुथाय भारत सोरजिनोब्ला हादतनि साफ्रोमबो नोगोरारिआ सैथोखौ जिउनि मोन्थोर महै आजावना लानानै गेनाखान्थि आगे नेमखान्थि नडैनि सायाव थोंजों नोजोर लाखिनांगोन। जों बयबो फोथायजानाय, सांग्रांथि जाब्लासो बे महामारिखौ नेवसिनानै मोनसे समायना समाज सोरजिनानयजों लोगोसे गावखौ फोथायनाय आगे जुथाय भारत भर्ष सोरजिनानयनि गेदेमा थारिखियाव सौहैनो हागोन। 'स्वतन्त्रतार 75 बोसोर सत्यनिस्तारे आत्मनिर्भरता' गाहाय मोन्थोरजों नायदिनाय सांग्रांथि सप्ताह खुंफुंनयनि बे गोथार थारिखियाव आं राइज्योनि सरकारि-सरकारि नडै बिबानगिरि मावफारियाफोरखौ आगे बांसिनथारै बिबान गोनां जानायजों लोगोसे साफ्रोमबो नोगोरारिआ बे बिधिंआव जर'खायै सांग्रांथि जानानै गेनाखान्थिनि हेंथायै दावहा नांजावना गोसो गोर्बोंजों गावखौ थिसनो खालायबाय।

(ड० हिमन्त विश्व शर्मा)

Janasanyog/DF/8149/21



रावबो भटारआनो जाहाथे थालाडा



उफ्रा-बिसायख 'थि आसाम विधान सभा, 2021

बिसायख 'थिनि सान-30 अक्टूबर

दिव्यांग' सारथि निर्वाचन एप्लिकेसन

(DIVYAANG SARATHI
NIRVACHAN APP)

बेखेवबाय

GET IT ON
Google Play


जौनि भटार
हेल्पलाइन ट'लफ्रि नम्बर 1950

एबा नायबिजिनानै:

https://voterportal.eci.gov.in

http://ceoassam.nic.in

@ceoassam @ceoassam @ceo_assam



बे एप्लिकेसनखौ सोर बाहायनो हागोन ?

भट सोग्रा मिरुसिम थालाय-फैलाय खालामनो गोसो गुदु बेंगुरा सुबुंफोरा बे सिबिथायखौ लानो हागोन।

बे सिबिथायखौ बबेयाव मोनगोन ?

फैगौ 30 अक्टूबर, 2021 इ अक्ट 'खालि मोन 5 जिल्लायाव खुंफुंनो गोनां उफ्रा बिसायख 'थियाव बे एप्लिकेसनखौ मोननो हागोन। जिल्लाफोरा जाबाय:

- 28 न गसाइगाव बिधानसभा बियाव
- 41 भवानिपुर बिधानसभा बियाव
- 58 तामुलपुर बिधानसभा बियाव
- 101 मरियनि बिधानसभा बियाव
- 107 थाउरा बिधानसभा बियाव

एप्लिकेसनखौ माबोरै बाहायगोन ?

गुगल प्ले स्ट 'रनिफ्राय एपखौ डाउनल 'ड खालाम। डाउनल 'ड जाखानायनि उनाव, एपखौ रजिस्टर खालामनो थाखाय नोंथानि इपिक नम्बर आगे गुबुन गुबुन फोरमायथिखौ सोस 'न। नोंथानि थंजों लोगोसे लायनायनि समखौ सुफुना हो। रजिस्टर जाखानायनि उनाव, थालाय-फैलायनि थाखाय नोंथानि आर 'जखौ जिल्ला खुंथाया आजावगोन।

एपखौ बाहायनो थाखाय गोनांथि जानाय आगजुफोरनि फारिलाइ

- इन्टरनेटजों लोगोसे एनडाइड मबाइल फन
- बेंगुरा भटारनि इपिक नम्बर
- फट 'गोनां भटार सिनायथि फोरमानलाइन फट'
- बेंगुरा फोरमान बिलाइन फट'

गाहाय बिसायख 'थि बिबानगिरि, आसामजों राइजो-राजाफोरनि मिथिथायनि थाखाय फोसावनाय

Janasanyog/DF/1296/21